

昌黎先生集

冊七

昌黎先生集卷第二十二

祭文

祭田橫墓文

田橫初為漢將灌嬰敗於城下

齊人賢者多附橫入海居島中帝聞

橫罪而召之橫與其客二人乘傳詣洛

陽至尸鄉廐置遂自剄令客奉其頭從

使者馳奏高帝流涕以王禮葬其客既

葬二客穿其冢旁皆自剄從之其餘客

在海上聞橫死亦皆自剄而系之曰唐

咎嘗取公此文於楚辭而晉為汴州纔

宰相如董晉亦未足言而稱隴西公而

奏愈從事愈始終未感遇語稱隴西公而

不姓後從愈共天下事故愈躊躇發憤太

息於區區之橫以謂夫苟如橫之好士

貞元十一年九月愈如東京道出田橫墓下

十一年

作十九年九月下有十一日字如東京或作東如京洪

慶善曰東京洛陽也公以貞元十一年出長安至河

陽山安得如東都也十九年秋則公為御史不得云東

如京也方從閣杭蜀本公作東如京云田橫墓在偃師

尸鄉洛陽東三十里今公自河陽道橫墓下以入洛

故云東如京也○今按洪慶善作如東京及考歲月

皆誤耳今且未須別考它書只以其所引田橫墓在

洛陽東者論之則自墓下而走洛陽乃是西向安得

言東則不可乎其理又甚明若據元和郡國志則可直謂

京也此又三本謬誤之一證故復表而出之

義高能得士心下或有因取酒以祭為文而弔之其辭

曰事有曠百世而相感者余不自知其何心非今世

之所稀孰為使余歔歔而不可禁余既博觀乎天下

曷有庶幾乎夫子之所為死者不復生嗟余去此其

從誰死者或作死而生當秦氏之敗亂得一士而可

王何五百人之擾擾而不能脫夫子於劍鏗抑所寶

之非賢亦天命之有常寶天之或作寶昔闕里之多士

孔聖亦云其遑遑闕杭無其苟余行之不迷雖顛沛

其何傷自古死者非一夫子至今有耿光非閣杭作皆非是

蹠陳辭而薦酒魂髣髴而來享集韻靈良反按享字古今人用多作上聲

惟前漢禮樂志郊祀詩云發梁揚羽申以商造茲新音承久長聲氣遠條鳳鳥翔神夕掩虞蓋孔享享作平聲退之叶韻

蓋有所本也

歐陽生哀辭歐陽名詹字行周泉州晉江人也卒年四十餘集十卷行世新

史於藝文立傳

歐陽詹世居閩越自詹已上皆為閩越官至州佐縣

令者累累有焉閩越地肥衍有山泉禽魚之樂雖有

長材秀民通文書吏事與上國齒者未嘗肯出任今

上初故宰相常袞為福建諸州觀察使治其地治上或有

往字非是袞以文辭進有名於時又作大官臨莅其民鄉

縣小民有能誦書作文辭者袞親與之為客主之禮

呂汲公本如此方從閣苑粹辭進下即屬鄉縣至者袞下又有故宰相字下乃屬有名至其民又屬親

與云云顛倒錯亂全無文理而方云三本如此不當

輕改其蔽如此今定从呂本方主下有疑與讀為預

有可取云尚觀游宴饗必召與之或作預或疑與如字

而之下當時未幾皆化翕然傳建中初起為福建觀

察使始閩人未知學衣至為設學校使為文章親加

講導與為客主均禮觀游燕享與焉由是俗一變歲

貢士等詹于時獨秀出袞加敬愛諸生皆推服閩越

內州舉進士繇詹始貞元八年詹與公同登第退之

詹始及觀林蘊泉山銘敘則謂閩川貞元以前未有

文進者也因廉使李邕公鑄興啓庠序請獨孤常州

及為記中有辭云縵胡之纓化為青衿其兄藻與友

歐陽詹繼登正第以其年考之則藻之登第又在詹

之前然長溪薛令之以中宗神龍二年擢第則建中
又在藻之前矣退之謂由詹始豈考之未詳耶建中
貞元閒余就食江南未接人事往往聞詹名閭巷閒
詹之稱於江南也久矣下有貞元三年余始至京師
舉進士聞詹名尤甚或云當并有年十九字聞或作則
八年春遂與詹文辭同考試登第始相識自後詹歸

閩中余或在京師他處不見詹久者惟詹歸閩中時

為然其他時與詹離率不歷歲移時則必合合必兩

忘其所趨久然後去故余與詹相知為深詹事父母

盡孝道仁於妻子於朋友義以誠氣醇以方容貌疑

嶷然

音逆

其燕私善謔以和其文章切深喜往復善

自道讀其書知其於慈孝最隆也十五年冬余以徐

州從事朝正于京師

公為徐州節度推官

詹為國子監四門助

教將率其徒伏闕下舉余為博士會監有獄不果上

或無監字

觀其心有益於余將忘其身之賤而為之

也嗚呼詹今其死矣詹閩越人也父母老矣捨朝夕

之養以來京師

以或作而

其心將以有得於是而歸為父

母榮也

有得或作在得或無於是

雖其父母之心亦

皆然詹在側雖無離憂其志不樂也詹在京師雖有

離憂其志樂也若詹者所謂以志養志者歟詹雖未

得位其名聲流於人人其德行信於朋友或作朋雖詹

與其父母皆可無憾也詹之事業文章李翱既為之

傳故作哀辭以舒余哀誌故上或有余字非是以傳

于後以遺其父母而解其悲哀以卒詹志云作悲哀悲

○今按上文已連有兩哀字不應如此求仕與友兮

遠違其鄉父母之命兮子奉以行友則既獲兮祿實

不豐以志為養兮何有牛羊事實既修兮名譽又光

父母忻忻兮常若在旁命雖云短兮其存者長終要

必死兮願不永傷友朋親視兮藥物甚良親視或飲

食孔時兮所欲無妨孔或既壽命不齊兮人道之常齊

高作在側與遠兮非有不同山川阻深兮魂魄流行祀

祭則及兮勿謂不通哭泣無益兮抑哀自彊益或推

生知死兮以慰孝誠嗚呼哀哉兮是亦難忘

哉下或無兮字

題哀辭後

或刪此四字作題歐陽生哀辭後崔羣及詹皆與公同年劉伉姓名

僅見于此他無所聞

愈性不喜書自爲此文惟自書兩通其一通遺清河

崔羣羣與余皆歐陽生友也

有友上或字

哀生之不得位

而死哭之過時而悲其一通今書以遺彭城劉君伉

君喜古文

或無書字或無伉字下君字一作伉

以吾所爲合於古詣吾

廬而來請者八九至而其色不怨志益堅

或無志字

凡愈

之爲此文蓋哀歐陽生之不顯榮於前

哀一作痛

又懼其

泯滅於後也今劉君之請未必知歐陽生其志在古

文耳

其志上或字雖然下或有苟愛吾文必求其義入有之志字

陽生矣必時觀十一字

愈之爲古文豈獨取其句讀不類於今

者邪思古人而不得見學古道則欲兼通其辭通其

辭者本志乎古道者也乎或作於方無道字即不

成文矣古之道不苟譽毀於人此下或有實也十一字

劉君好其辭則其知歐陽生也無惑焉

獨孤申叔哀辭申叔字子重年二十一舉進士又二年用博學宏詞為校

書郎又三年居父喪未練而歿蓋貞元

十八年也柳子厚有獨孤君墓碣皇甫

持正有傷獨孤賦而公作辭哀之公嘗

衆萬之生誰非天邪明昭昏蒙誰使然邪行何為而

怒居何故而憐邪怒或有邪字居或作思怒下胡喜厚其

所可薄而恆不足於賢邪將下民之好惡與彼蒼懸

邪或無字抑蒼茫無端而暨寓其閒邪寓於字或死者無

知吾為子慟而已矣如有知也子其自知之矣或無字

或無之字或無字濯濯其英曄曄其光如聞其聲如見

其容此句或作如處其旁非是烏虜遠矣何日而忘

烏虜或作鳴呼

祭穆員外文

為崔侍御作晁本篇首題云維

酌之奠祭于亡友穆六端公之靈方云

豈穆員邪舊傳員卒檢校員外郎杜亞

留守東都辟為從事皆與此文合新傳

員終侍御史故晁本稱端公也穆員字

與直懷州河內人宣州觀察使寧

之子工為文崔侍御名翹無傳

於乎建中之初予居于嵩攜扶北奔或作歸避盜來攻

晨及洛師相遇一時顧我如故眷然顧之如或作無眷或作瞻

子有令聞我來自山子之峻明峻或作後我鈍而頑道既

云異誰從知我我思其厚不知其可知其或作可而知於

後八年君從杜侯我時在洛亦應其招貞元五年十月

為東都留守亞辟員為從事檢校員外郎翹時亦為亞所辟留守無事多君子僚

罔有疑忌維其嬉游草生之春烏鳴之朝我轡在手

君揚其鑣君居于室我既來即或以嘯歌嘯或或以

偃側誨余以義復我以誠復我或作我復○今按下

專指穆也終日以語以或與無非德聲主人信讒有感

其下殺人無罪誣以成過入救不從反以為福赫赫

有聞王命三司察我于獄相從係縲曲生何樂直死

何悲曲或作直或作曲二上懷主人王非是內閔

其私閔或作閔進退之難君處之宜居非是既釋

于囚令狐運為東京牙門將亞惡其為人之命員及從

為憂我如京師君居父喪哭泣而拜言詞不通我歸

自西君反吉服晤言無他往復其昔其疑當不日而

違重我心惻自後聞君母喪是丁痛毒之懷六年以

并經一作孰云孝子而殞厥靈今我之至入門失聲失

事張弘靖鞠其事無之亞我來徐州道之悠悠思君

怒囚員等員由此知名

文云無非德聲則此二句

哭作酒肉在前君胡不餐升君之堂不與我言於乎死矣何日來還

祭郴州李使君文

山公貞元十九年冬出爲陽

李員外寄紙筆及義魚詩卽所謂獲紙筆之雙貿投義魚之短韻也其生平契

分皆具此文筆墨閱錄云祭李郴州文尤雄奇

維年月日將仕郎守江陵府法曹參軍韓愈謹以清

酌庶羞之奠敬祭于故郴州李使君之靈

文苑此篇首題云維

元和元年歲次景戌二月乙未朔二十四日戊午古

語有之白頭如新傾蓋若舊顧意氣之何如何日時

之足究何或當貞元之癸未

貞元十九年按癸未者

也惕皇威而左授伏荒炎之下邑嗟名顏而位仆歷

貴部而西邁邇清光於暫覲

於或言莫交而情無由

莫或作若或作既下無情字既下不賈而奚售哀窮遐之無徒遇或荒

窮遐或作遐荒徒或作圖挈百憂以自副辱問訊之綢繆恆飽飢

而愈疲接雄詞於章句窺逸跡於篆籀直右切苞黃甘

而致貽獲紙筆之雙貿即李員外寄紙筆云莫怪殷勤謝虞卿正著書投义

魚之短韻即公义魚十八韻招張功曹媿韜瑕而舉秀埃新命於

衡陽費薪芻於館候郴在衡山之陽貞元二十一年公以順宗赦徙椽江陵待命於

云郴空大亭以見處憩水木之幽茂逞英心於縱博沃

煩腸以清耐作於一航北湖之空明覩鱗介之驚透宴

州樓之豁達衆管啾而並奏啾或作湫選閑居賦管啾啾而並奏得恩

惠於新知脫窮愁於往陋窮或作寃輟行謀於俄頃見秋

月之三穀逮天書之下降猶低迴以宿留上音秀下音溜前漢

宿留海上市史記宿念睽離之在期謂此會之難又授

縞紵以託心吳季札聘鄭見子產如舊相識與之縞帶子產獻紵衣焉見左氏襄公二十九

年示茲誠之不謬授或援儻後日之北遷約窮歡於一

晝雖掾俸之酸寒要拔貧而為富何人生之難信捐

斯言而莫就始訝信於暫疎遂承凶於不救承或作

而作見明旌之低昂見明諸本鄭注云神明之旌尚遲疑

於別袖憶交酬而迭舞奠單盃而哭柩美夫君之為

政不撓志於讒構撓或作撓或作撓遭辱舌之紛羅獨

陵晨而孤雛陵一作凌彼儉人之浮言雖百車其何諾或車

作年云詞語○今按後漢書馮衍出妻書洞古往而高觀固

邪正之相寇幸竊覩其始終敢不明白而蔽覆神乎

來哉辭以為侑尚饗

祭薛助教文公達字大順詳見公所誌墓云

維元和四年歲次己丑後三月二十一日景寅丙寅

寅避唐諱也朝散郎守國子博士韓愈散墓志石太學助

教侯繼謹以清酌之奠祭于亡友國子助教薛君之

靈

繼下或有等字薛君之靈

晁

嗚呼吾徒學而不見

施設祿又不足以活身天於此時奪其友人同官太

學日得相因奈何永違祗隔數晨笑語為別慟哭來

門

來或東

藏棺蔽帷欲見無緣皎皎眉目在人目前酌

以告誠庶幾有神嗚呼哀哉尚饗

祭虞部張員外文

張季友也公同王涯崔羣許季同庚承宣邢冊等六

人者皆與張貞元八年同年進士時陸贄典貢舉故文有司我明試時惟邦彥

之語詳見公誌其墓云

維年月日愈等謹以清酌庶羞之奠敬祭于亡友張

十三員外之靈

文苑作元和十年晁本考功郎中知

制誥韓愈禮部侍郎崔羣京北尹許季同考功員外郎庚承宣河中節度判官殿中侍御史邢冊等六人

皆張季友也嗚呼往在貞元俱從賓薦司我明試時維

之同年也邦彥各以文售幸皆少年羣遊旅宿其歡甚焉出言

無尤有獲同喜他年諸人莫有能比倏忽逮今二十
餘歲存皆表白半亦辭世外纏公事內迫家之中宵
興歎無復昔時如何今者又失夫子今者或懿德柔
聲永絕心耳廬親之墓終喪乃歸陽瘖避職妻子不
知分司憲臺風紀由振遂遷司虞以播華問不能老
壽孰究其因託嗣於宗託嗣或天維不仁酒食備設
靈其降止論德叙情以視諸誅尚饗

祭河南張員外文

貞元十九年冬公與張署
自御史俱出南方為令明

年順宗即位俱徙江陵故凡道塗經涉
唱和契闊皆具此文公方從晉公討蔡
祭其在元和十二年八月
歟張之行治則詳於公誌

維年月日彰義軍行軍司馬守太子右庶子兼御史
中丞韓愈謹遣某乙以庶羞清酌之奠祭于亡友故
河南縣令張十二員外之靈或無守太子
右庶子字貞元十九

君為御史余以無能同詔並跼詩或作時選潘岳關中

也亦君德渾剛標高揭己有不吾如唾猶泥滓余驚詩列營某時注時立

而狂音憲年未三紀乘氣加人無挾自恃彼婉孌者

實憚吾曹側肩帖耳有舌如刀我落陽山以尹鼯猱

君飄臨武山林之牢歲弊寒兇雪虐風饕顛於馬下

雪虐杭本作嘯虎以顛於馬下言之由虎聲懼也風饕謂虎貪風而嘯不已虎近於虐訛自此也饕或作

號寒兇言之八字相偶當為雪虐明甚我泗君咷

夜息南山同臥一席守隸防夫觚頂交跖項或作洞

庭漫汗粘天無壁風濤相逐呼回中作霹靂追程盲

進颿船箭激颿或作帆南上湘水屈氏所沈上或二

妃行迷淚蹤染林山哀浦思鳥獸叫音余唱君和百

篇在吟君止于縣我又南踰把觥相飲後期有無期

宿界上一又相語自別幾時遽變寒暑遽或作徧復枕

臂敬眠加余以股僕來告言虎入廐處無敢驚逐以

我驥去蒙驥音子君云是物不駿於乘虎取而往來寅

其徵寅或作蚤當改作寅說見下條乃我預在此與

君俱膺猛獸果信惡禱而憑獸蜀本首李本校作

葛魯卿云驥不駿虎取之則亨矣不待禱而有憑也

來寅其徵以虎為寅神故言來歲寅月當余出嶺中

君埃州下偕掾江陵非余望者郴山奇變其水清寫

泊砂倚石有選無捨楚詞云重華不可選衡陽放酒

熊咆虎嘯不存令章罰籌蝟毛作不存或作存不罰或

記罰劉夢得詩罰籌長樹蠹是也委舟湘流往

觀南嶽雲壁潭潭雲或天穹林攸擢避風太湖七日鹿

角太或作大鹿角洞庭湖中地名元微之鈎登大鮎

怒頰豕狗狗或作豕鬩盤炙酒羣奴餘豕

走官階下首下尻高前漢高苦刀切益下馬伏塗從事是遭

予徵博士君以使已元和元年六月公召為國子博

官不相見京師過願之始分教東生君掾雍首元和

公分教東都署為京北府司錄參軍雍兩都相望於

別何有解手背面遂十一年君出我入如相避然生

闕死休生闕死休咎非是吞不復宣刑官屬郎引章訐

奪或作奪訐方作許奪云守法爭議棘棘不與猶今

事也本亦非權臣不愛南昌是幹今按墓志張自刑

昌當明條謹獄氓獠戶歌音老用遷澧浦為人受瘞

署自虔州改澧州刺史民稅出雜產物與錢尚書有

可貪官害民留牒不肯還家東都起令河南屈拜後

生憤所不堪屢以正免身伸事蹇竟死不昇孰勸為

善丞相南討元和十六年以宰相裴度為余辱司馬

議兵大梁時宣武軍節度使韓弘為諸軍都統使將出討公詣弘稟事走出洛下

哭不憑棺奠不親學不撫其子葬不送野望君傷懷

望君或作定居非是有隕如瀉銘君之績納石壤中或作下爰及

祖考紀德事功記或作己事或作著事功作著功於理亦順但下文便外著後世則重

出著字又似可疑姑从舊本作事蓋紀其德紀其事紀其功也又恐或是序字以似而誤然無所據不敢

輒改也外著後世鬼神與通君其奚憾不余鑒衷嗚呼

哀哉尚饗

祭左司李員外太夫人文謂與其子同僚必公為職方員外郎

也時

維年月日某官某等謹以清酌庶羞之奠敬祭于某

縣太君鄭氏尊夫人之靈某等或作乙等胄于茂族配此

德門克成厥家享有全福為婦為母再朝中宮搢紳

推榮宗黨是則某等幸隨令子同服官僚庶展哀誠

式陳牢醴尚饗

祭薛中丞文

一本同李逢吉孟簡張惟素張賈祭薛中丞存誠也薛嘗劾浮

屠鑿虛罪抵死表李位無罪事見舊史本傳甚詳

維年月日

文苑作元和九年

某官某乙等謹以清酌庶羞之

奠祭于亡友故御史中丞贈邢部侍郎薛公之靈公

之懿德茂行可以勵俗清文敏識足以發身宗族稱

其孝慈友朋歸其信義累昇科第亟踐班行左掖南

臺

北齊號御史臺為南臺

共傳故事詩人墨客爭諷新篇羽儀

朝廷輝映中外長途方騁大限俄窮聖上軫不憖之

悲具僚興云亡之歎况某等忘言斯久知我俱深青

春之遊白首相失來陳薄奠詎盡哀誠嗚呼哀哉尚

饗

祭裴太常文

裴之諱字皆不可考

維年月日愈等謹以庶羞清酌之奠敬祭于故太常

裴二十一兄之靈文苑作元和九年晁本月日下具

侍郎張惟素吏部侍郎張賈比朝廷之重莫過乎禮

雖經策具存而精通蓋寡自郊丘故事宗廟時宜大

君之所旁求丞相之所卒問羣儒拱手宗祝醉心兄

皆指陳根源斟酌通變莫不允符天旨克協神休至

乎公卿冠昏士庶喪祭疑皆響答問必實歸從我者

足為軌儀異我者無逃指笑動為時法言比古經一此

必作獨立一朝高視千古而又驅馳朋執僂俛宗親檐

石之儲常空於私室檐諸本多作甌舊本多作檐公

生無檐石之儲檐字本此郭璞方注甌石之儲實

用甌字前漢蒯通揚雄傳皆只作僮貨殖傳醬十僮方丈之食每盛於賓筵贈必固辭

求無不應孰云具美而不永年某等早接遊從實欽

道義致誠薄奠以訣終天嗚呼哀哉尚饗

潮州祭神文五首

晁本第一首題作祭湖神文第二首題作又祭止雨

文第三題祭城隍文第四題祭界石神文第五不立題皆元和十四年夏秋作

維年月日潮州刺史韓愈謹差攝潮陽縣尉史虛己

以特羊庶羞之奠告于大湖神之靈愈承朝命為此

州長今月二十五日至治下凡大神降依庇貺斯人

者皆愈所當率徒屬奔走致誠親執祀事於廟庭下

今以始至方上奏天子思慮不能專一冠衣不淨潔

與人吏未相識知牲糈酒食器皿牯弊猶一作損○

音所猶倉胡切不能嚴清又未卜日時不敢自薦見使攝潮

陽縣尉史虛己以告神其降監尚饗

維年月日潮州刺史韓愈謹以清酌服脩之奠祈于

大湖神之靈禮記大享尚服脩注云捶脯也服或作時○今按若作時則脩當作羞○服丁

反貫曰稻既穡矣而雨不得熟以穫也或無以穫蠶起

且眠矣而雨不得老以簇也歲且盡矣稻不可以復

種而蠶不可以復育也農夫桑婦將無以應賦稅繼

衣食也非神之不愛人或無之字愛刺史失所職也

百姓何罪使至極也神聰明而端一聽不可濫以惑

也刺史不仁可坐以罪惟彼無辜惠以福也劃劃雲

陰卷月日也忽月日或作日月非是劃劃幸身有衣口

得食給神役也口上或有而充上之須脫刑辟也選

牲爲酒以報靈德也吹擊管鼓侑香潔也拜庭跪坐

庭或如法式也不信當治疾殃殛也神其尙饗

維年月日潮州刺史韓愈謹以柔毛剛鬣清酌庶羞

之奠祭于城隍之神閒者以淫雨將爲人災無以應

貢賦供給神明上下獲罪罰之故乃以六月壬子奔

走分告乞晴于爾明神

字下或再出

爾明神閔人之不

辜若饗若答

作饗或饗

糞除天地山川清風時興白日顯

行蠶穀以登人不咨嗟

作咨或疵

惟神之恩夙夜不敢忘

怠謹卜良日躬率將吏薦茲血毛清酌嘉羞

一作肴

侑

以音聲以謝神貺神其饗之

或作鑿或鑿之

維年月日潮州刺史韓愈謹遣耆壽成寓以清酌少

牢之奠告于界石神之靈

此五字或作界石之神

曰惟封部之

內山川之神克庥于人

作庥或庇

官則置立室宇備具服

器奠饗以時淫雨既霽蠶穀以成織婦耕男忻忻衍

衍是神之庥庇于人也敢不明受其賜謹選良月吉

日齋潔以祀神其鑿之尚饗

鑿之或鑿茲

維年月日潮州刺史韓愈謹以清酌庶羞之奠祭于

大湖之神惟神降依茲土以庇其人今茲無有水旱

雷雨風火疾疫爲災各寧厥宇以供上役長吏免被
其譴賴神之德夙夜不敢忘謹具食飲躬齋洗奏音
聲以獻以樂以謝厥賜不敢有所祈尚饗

昌黎先生集卷第二十二

皇朝史主集卷第二十二

華以禮以樂以刑以罰不以威以勢不以尚譽

其德而輔之則風化不效而德具於心則化而後成

禮兩風火天運流變各專其守以共主勢是使象

昌黎先生集卷第二十三

祭文

袁州祭神文三首

晁本首篇題曰祭城隍文次題祭仰山神祈雨文次

題又祭仰山神文元祐十五年夏作

維年月日袁州刺史韓愈謹告于城隍神之靈或無

下刺史無治行無以媚于神祇無以上或天降之罰以

久不雨苗且盡死下或有死字○今按刺史雖得罪死字不當用又上句

已有不應重出蓋百姓何辜宜降疾咎于某躬身或

躬字國語靡王無令鰥寡蒙茲濫罰謹告

維年月日袁州刺史韓愈謹以少牢之奠祭于仰山

之神曰神之所依者惟人人之所事者惟神今既大

旱嘉穀將盡人將無以為命神亦將無所降依不敢

不以告若守土有罪宜被疾殃於其身百姓可哀宜

蒙恩閔以時賜雨使獲承祭不怠神亦永有飲食謹告

維年月日袁州刺史韓愈謹以少牢之奠祭于仰山之神曰田穀將死而神膏澤之百姓無所告而神恤之刺史有罪而神釋之敢不有薦也尚饗

祭柳子厚文

卒于厚以元和十四年十月五日

人不雨苗且

年自袁召為國子祭酒此文退之承命改

雨神災無

牧宜陽亦馳一函候於便道其後序柳

文蓋謂此也

誌若祭文在祭

維年月日韓愈謹以清酌庶羞之奠祭于亡友柳子

厚之靈

維年月日文苑作維某年歲次庚子五

嗟嗟

子厚而至然邪自古莫不然我又何嗟人之生世如

夢一覺

既覺同切下

其閒利害竟亦何校當其夢時有

樂有悲及其既覺豈足追惟凡物之生不願為材或為

作謂非是犧尊青黃乃木之災子見莊語子之中棄天脫鬲羈

音繫玉佩瓊琚大放厥辭富貴無能磨滅誰紀子之

自著表表愈偉表表或作表奏非是不善為斲血指汗顏巧匠

旁觀或作觀非是縮手袖閒子之文章而不用世乃令吾

徒掌帝之制子之視人自以無前一斥不復羣飛刺

天飛或非嗟嗟子厚今也則亡也則或作有今臨絕之音一何

琅琅徧告諸友以寄厥子不鄙謂余亦託以死凡今

之交觀勢厚薄余豈可保能承子託非我知子子實

命我猶有鬼神寧敢遺墮寧或作子念子永歸無復來期

設祭棺前矢心以辭嗚呼哀哉或無此四字尚饗

祭湘君夫人文公以元和十五年九月拜國子祭酒未離袁州時作

維元和十五年歲次庚子十月某日朝散大夫守國

子祭酒護軍賜紫金魚袋韓愈謹使前袁州軍事判

官張得一此上四十四字或只作維今年月日國以清

酌之奠敢昭告于湘君湘夫人二妃之神前歲之春

愈以罪犯黜守潮州或作陽今懼以譴死且虞海山

之波霧瘴毒為災以殞其命或無舟次祠下是用有

禱于神神享其衷賜以吉卜曰如汝志蒙神之福啓

帝之心去潮即袁自潮徙袁今又獲位於朝復其

章綬十五年九月自袁召為退思往昔實發夢寐凡

卅年於今乃合卅或有作三方從石日本此蓋言卅年前

上文但言前歲之禱則實發夢寐者但謂不敢忘前

夙夜怵惕敢忘神之庇怵或伏以祠宇毀頓一作

憑附之質丹青之飾暗昧不圭或作暗昧不佳或作

主與獨同音集韻獨潔也明也通作圭詩吉獨為鑄

韓詩作吉圭周禮蜡氏令州里除不獨注讀如吉圭

為鑄之圭陸音曰舊讀為圭呂氏春秋飲食必蠲不
潔高誘亦讀作圭此類非一今作佳由圭字訛也

稱靈明或作明靈外無四垣堂陞頽落牛羊入室居

民行商不來祭享輒敢以私錢十萬修而作之萬下諸本

有祈于邦伯四字今从石本舊碑斷折斷一作中其半仆地文字缺滅

幾不可讀謹修而樹之或無謹字廟成之後將求玉石仍

刻舊文因銘其陰以大振顯君夫人之威神以報靈

德俾民承事萬世不怠惟神其鑒之尚饗

始將既修樹舊碑仍刻其文於新石因銘其陰舊

碑石既多破落文不可盡識移之於新或失其真

遂不復刻此四十二字石本附祭文後諸本皆有

無之○今按此必公所自記故石本有之當附於

此方但以闕杭本闕遂直刊去亦可惜也今从諸

本而次一字書之

祭竇司業文

竇名牟長慶二年卒公嘗誌其墓此文公自稱兵部侍郎則是

年未使王庭
湊前作也

維年月日兵部侍郎韓愈謹以清酌庶羞之奠祭于

故國子司業竇君二兄之靈惟君文行夙成有聲江

東魁然厚重長者之風一舉於鄉遂收厥功屢佐大

侯以調兵戎去聲詔曰予虞汝為郎中乃令洛陽歲

且四終惟刑之慎掌正隸僮命守高平澤州高平郡命副

儒宮副或制朱衣銀魚象服以崇錫榮考妣孝道上窮

官不滿能亦云達通踰七望八年孰非翁或作逾七年孰非

望公方从閣杭苑在君無憾我意不充君之昆弟云竇卒年七十四

第五人常三以辭雄常字中行大厓十四年登第及卒

為三刺史郎中四繼三同謂牟庠相繼為澤州刺史

為之於士大夫可謂顯融我之獲見實自童蒙既愛

既勸愛既或作受誘非是在麻之蓬自視離齧寇音望君飛鴻四

十年餘事如夢中

諸事半本皆如此閣杭苑及南唐本作

崇詩周公不足夢與可以守至冲叶○今按事半如

以重押中字之故不分宰河洛媿立竝躬俱官於學

以纖臨洪惠許不酬許或作詩○今按惠許謂報德

以空死生莫接孰明我衷於祭告情文以自攻嗚呼

哀哉尚饗

祭侯主簿文

此謂侯喜也蜀本注繼字非○

公貞元十七年與喜同漁于温洛嘗有

水故此又有我釣我遊莫不我隨之語

嘗薦喜於汝州刺史盧郎中又嘗薦之

於陸員外修觀其薦詞亦與此文惟子

文學今誰過之其意相表裏又公集中

喜也其曰侯主簿喜詩用是知其非繼而

維年月日吏部侍郎韓愈謹遣男殿中省進馬佶

退

諸子有名昶者長慶四年進士登第小說中亦載其為集賢校理曰符曰爽曰殿中省進馬雖載於集而他處不見唯符見於孟郊張籍詩中耳致祭于亡友故國子主簿侯君

之靈嗚呼惟子文學今誰過之子於道義困不捨遺

困或作罔捨或作拾皆非是我狎我愛人莫與夷自始及今二紀

于茲我或為文筆俾子持唱我和我問我以疑我鈞

我遊莫不我隨我寢我休莫爾之私朋友昆弟情敬

異施惟我於子無適不宜棄我而死嗟我之衰相好

滿目少年之時日月云亡或作人云亡今其有誰誰不富

貴而子為羈我無利權雖怨曷為子之方葬我方齋

祠方葬或葬云哭送不可誰知我悲嗚呼哀哉尚饗

祭竹林神文

公祭文二其一祭竹林神其二祭曲江龍皆以旱禱其後賀雨

表亦云季夏以來雨澤不降臣職司京邑祈禱實頻謂此皆長慶三年為京尹

時作也

維年月日京兆尹兼御史大夫韓愈謹以酒脯之奠
再拜稽首告于竹林之神曰天子不以愈為愚不能
使尹茲大衆二十三縣之人今農既勤於稼有苗盈
野而天不雨將盡槁以死農將無所食鬼神將無以
為饗國家之禮天地百祀神祇不失其常或無祀字惠天
之人不失其和惠天下或有下字係从閣杭本○今按此人字當為民字以避諱而用人
字也下人又無罪何為造茲旱虐以罰也虐閣杭蜀本在罰字
是非將俾尹者不仁不明不能承帝之勅以化正其
下聞無香惟腥聞音問神于惠罰無差神于或作神之施罪瘠
于尹愈身是甘是宜雨則時降神無爽其聰明永饗
于人無媿尚饗

曲江祭龍文

維年月日京兆尹兼御史大夫韓愈謹以香果之奠

敢昭告于東方青龍之神天作旱災嘉穀將槁乃於
甲乙之日依准古法作神之象齋戒祀禱神其享祐
之時降甘雨將時或非是以惠茲人急急如律令

祭馬僕射文

馬十二名總字會元扶風人退
長慶三年冬自京兆尹復為

兵部侍郎又遷吏部侍郎其為京兆也
有舉馬摠自代狀今祭文稱吏部侍郎
年則摠以是也

維年月日吏部侍郎韓愈謹以清酌庶羞之奠敬祭

于故僕射馬公十二兄之靈惟公弘大温恭全然德

備天故生之其必有意將明將昌實艱初試佐戎滑

臺斥由尹寺

貞元十三年四月以姚南仲鎮滑臺辟
摠為從事十六年監軍使薛盈珍誣奏

南仲不法摠坐
貶為泉州司馬

適彼甌閩餽飢跋躓

一作餽音兀躓

致音顛而不踣鳥禾

乃得其地于泉于虔始執郡符遂

殿交州

殿軍後也

抗節番禺

上音潘下音愚

去其螟蠹蠻越大蘇

作蠹或擢亞秋官朝得碩士人謂其崇我勢始起東征

淮蔡相臣是使義十二年十月以宰相裴度為彰公兼

邦憲以副經紀淮十二年以摠兼御史大夫充殲彼大

魁厥勳孰似丞相歸治留長蔡師吳元濟誅摠留蔡

改彰義為淮西十二月以摠檢校工茫茫黍稷昔實

棘茨鳩鳴雀乳不見梟鴟惟蔡及許舊為血仇命公

并侯許十三等州觀察處置等使激舊屬淮西故云并

侯耕借之牛束其弓矢禮讓優優始誅鄆戎音運厥

墟腥臊公往滌之茲惟樂郊十四年二月誅東平節

檢校刑部尚書為鄆州刺史天平節度惟東有獠獠

犬也淮南子獠狗不自投惟西有虺虺蜥也顛覆朋

鄰我餘有幾年七月沂州軍亂殺節度使王遂長慶元

德亂殺節度使田弘正二年正月魏博節度使田希

昌黎先生集 卷二十三 六 中華書局聚

作有餘○今按此用左氏身其餘幾之或本非是律率中居○率音律斬其

脊尾岱定河安惟公之躩帝念厥功還公于朝陟于

地官且長百僚左僕射守戶部尚書度彼四方孰

樂可據顧瞻衡鈞或作衡將舉以付惟公積勤以疾以

憂及其歸時當謝之秋賀門未歸此用慶者在門之

非語或本弔廬已萃未燕于堂已哭于次昔我及公實

同危事且死且生誓莫捐棄歸來握手曾不三四曾

不濡翰酬酢文字曾不醉飽以勸酒側吏奠以敘

哀其何能致嗚呼哀哉尚饗

弔武侍御所畫佛文或無弔字武侍御為一以

學彈琴詩序少儀時為司業後以太常

少卿兼御史中丞使南詔在元和五年

鄭餘慶尹河南奏授伊闕尉及鄭公留

御史東都在元和五年孰是然題曰侍御其文

亦曰侍御後說若近之云

御史武君當年喪其配御史一作侍御斂其遺服櫛珥鞞

于篋鞞或作繫方云繫小囊鞞大帶也○今按儀禮士昏禮庶母及門內施鞞注鞞囊也所以盛悅

巾然則繫鞞字通月旦十五日則一出而陳之抱嬰兒以泣

有為浮屠之法者造武氏而諭之曰是豈有益耶杭閣

非是也吾師云人死則為鬼鬼且復為人隨所積善惡

受報所下一環復不窮也環一作旋極西之方有佛焉其

土大樂無西下或親戚姑能相為圖是佛而禮之願其

往生莫不如意武君憮然辭曰吾儒者其可以為是

既又逢月旦十五日復出其篋實而陳之其篋或抱

嬰兒以泣且殆而悔曰且或無且字或本是真何益也

吾不能了釋氏之信不又安知其不果然乎乎或無於

是悉出其遺服櫛佩合若干種就浮屠師請圖前所

謂佛者浮屠師受而圖之韓愈聞而弔之曰哲哲兮

目存

哲哲或作哲哲

丁寧兮耳言忽不見兮不聞

見下或有字或不

無兮

莽誰窮兮

本源圖西佛兮道予勲以妄塞悲兮

慰新魂

新上或有斯字

嗚呼奈何兮弔以茲文

祭故陝府李司馬文

李漢之父 荆雍王會七年 孫長慶元年二月卒

詳見公所誌 荆墓 荆薄 經切 一本無故陝府三字

維年月日守國子祭酒賜紫金魚袋韓愈謹以清酌

之奠祭于故陝府左司馬李公之靈曰公學以為耕

文以為穫發憤孤身復續厥家

孤或作苦 續或作績

選于吏部

亟以科進歷臨大邑惟政有聲

惟或作爲

遂丞宗正日朝

帝庭出輔陝都吏畏僚慕子婦諸孫盈于室堂公姑

悅喜

姑或作始非是

五福具有大夫士家孰不榮羨如何不

常以至大故嗚呼哀哉愈以守官不獲弔送昏姻之

好以哀以悲敬致微禮公其歆之歆或昭尚饗

祭十二兄文

公從兄也公之皇祖諱徽素

曰俞曰岌見於世系表及公集者此五

人又有岍者以殿中侍御史死于平涼

之盟其二入則無所考見岍以元和州

年六月卒于號州以其年九月葬于州

十里文所謂歸女教男反骨本原

公蓋有異時歸葬于先原之意

月日從父弟某官某乙謹以清酌庶羞之奠敢昭告

于十二兄故號州司戶府君之靈或無故字嗚呼維我皇

祖有孫八人惟兄與我後死孤存奈何於今一作又

棄而先生不偕居疾藥不親斂不摩棺瘞不繞墳趨

奔束制奔或作生非是生死虧恩歸女教男反骨本原其不

有年以補我愆長號送哀以薦此文尚饗尚呼二或有

祭鄭夫人文

夫人韓會之妻而公之嫂也公

之恩至矣公既為之服菽而祭之

維年月日愈謹於逆旅備時羞之奠再拜頓首敢昭

祭于六嫂滎陽鄭氏夫人之靈維九年月日晁本作貞元九年歲次癸酉九

月朔日或無謹於二字 嗚呼天禍我家降集百殃我生不辰三

歲而孤大厯五年公父仲蒙幼未知鞠我者兄李翔退之

行狀云生三歲父在死而生實維嫂恩未盡一年

齒也周禮未盡者不為奴注男八歲兄宦王官提攜

負任去洛居秦念寒而衣念飢而殮疾疹水火無灾

及身疹或作疹音戾劬勞閔閔保此愚庸年方及紀舊史大

厯十一年五月起居舍人韓會坐元載貶官退之是

氏以南遷是也其兄歿南方從嫂歸葬河陽故李漢

卒勤來歸氏荐及凶屯兄罹讒口承命遠遷遠或作

十二年宰相元載得罪四月會坐窮荒海隅天閱百

年會卒于韶萬里故鄉幼孤在前相顧不歸泣血號

天微嫂之力化爲夷蠻水浮陸走丹旄翩然至誠感

神返葬中原既克反葬遭時艱難百口偕行口或作

閣杭蜀太○今按百日偕行無理當從口爲是然或以祭老成文有就食江南零丁孤苦之語疑不得有

百口不知此亦通良賤而言闔避地江濱建中二年

門之衆耳未必實計百人也避地江濱建中二年

中原多故退之避地江左即復志賦所謂春秋霜露

薦敬蘋蘩以享韓氏之祖考曰此韓氏之門視余猶

子誨化諄諄爰來京師貞元二年公自年在成人屢

貢于王名迺有聞念茲頓頑頑或作鈍漢書陳平傳

顏讀頓曰鈍非訓曷因感傷懷歸隕涕熏心苟容躁進不

顧其躬祿仕而還以爲家榮奔走乞假東西北南孰

云此來迺睹靈車有志弗及長負殷勤嗚呼哀哉昔

在韶州之行受命于元兄于或曰爾幼養于嫂喪服

必以暮今其敢忘天寶臨之貞觀中魏徵令狐德棻

年之嫂遇提孩之叔劬勞鞠養情若所生分飢共寒
契闊偕老其在深所未諭且事誠致感馬援則見之
遠之求恩禮甚篤顏洪都則竭尚豈非先覺嫂叔舊
仲虞則服小哭之功五月制可公幼養於嫂服暮以報
必冠孔汲則哭之為位察其所尚豈非先覺嫂叔舊
無服今請服小哭之功五月制可公幼養於嫂服暮以報
可為士大夫習之法矣李漢序鳴呼哀哉日月有時歸
公文集及李習之狀亦云

祭十二郎文

老成率府參軍韓介之子也介

會無子以老成為後老成生湘滂百川
死公乃命滂歸後其祖介公及會介皆
仲卿子至是會介百川皆死矣故文云
吾上卿有三兄皆不吾早世承先人後者
在孫惟汝蓋在子惟吾又云去年東野序
吾書與汝蓋在子惟吾又云去年東野序
二卽是年為十陽九年此文必其秋冬作
往復善自道者忠公在當其父作瀧岡
十年歐陽文忠公在當其父作瀧岡
始足以當配公此
作覽者當自知之

年月日

或無九日字文苑作貞元季父愈聞汝喪之七

日乃能銜哀致誠使建中遠具時羞之奠告汝十二

郎之靈

文苑郎下有子字○今按郎子是當時鳴呼語雖不必存亦不可不知也今謾補之

吾少孤及長不省所怙惟兄嫂是依中年兄歿南方

會責守韶州卒于貶所

吾與汝俱幼從嫂歸葬河陽既又與汝

就食江南零丁孤苦未嘗一日相離也吾上有三兄

皆不幸早世承先人後者在孫惟汝在子惟吾兩世

一身形單影隻嫂常撫汝指吾而言曰韓氏兩世惟

此而已汝時尤小當不復記憶吾時雖能記憶亦未

知其言之悲也吾年十九始來京城其後四年而歸

視汝又四年吾往河陽省墳墓

往上海或無吾字

遇汝從嫂喪

來葬又二年吾佐董丞相于汴州

相下或有幕字貞元十三年董晉帥

汴州汝來省吾止一歲請歸取其孥明年丞相薨吾去

汴州汝不果來是年吾佐戎徐州

是歲秋張建封辟公為徐州節度推

官使取汝者始行者佐上或有又字吾又罷去五十六年張

建封卒公西歸洛陽汝又不果來吾念汝從于東東亦客也不

可以久圖久遠者莫如西歸或有兩圖字一將成家

而致汝嗚呼孰謂汝遽去吾而歿乎謂或作為而吾

與汝俱少年以為雖暫相別終當久相與處故捨汝

而旅食京師以求斗斛之祿誠知其如此雖萬乘之

公相吾不以一日輟汝而就也去年孟東野往吾書

與汝曰吾年未四十而視茫茫而髮蒼蒼而齒牙動

搖邵太史曰文用助字柳子厚論當否不論重復檀

十而視茫茫而髮蒼蒼而齒牙動搖近時六一文安

東坡三先生知之蜀人史彦升云退之祭文視荒

荒今俗本作茫茫非是陳后山詩平陳鄭毛視荒荒

當存之念諸父與諸兄皆康彊而早世如吾之衰者其能久存乎存或在吾不可去汝不肯來恐日暮死

而汝抱無涯之戚也

作去或知

孰謂少者歿而長者存疆

者天而病者全乎嗚呼其信然邪其夢邪

或無其夢邪三字

其傳之非其真邪信也吾兄之盛德而夭其嗣乎汝

之純明而不克蒙其澤乎少者疆者而夭歿長者衰

者而存全乎未可以爲信也夢也傳之非其真也

非上

或有者字東野之書耿蘭之報何爲而在吾側也嗚呼其

信然矣吾兄之盛德而夭其嗣矣汝之純明宜業其

家者不克蒙其澤矣

作業或榮

所謂天者誠難測而神者

誠難明矣

明或作得非是

所謂理者不可推而壽者不可知

矣

作壽或年

雖然吾自今年來蒼蒼者或化而爲白矣

蒼下

或無者字動搖者或脫而落矣毛血日益衰志氣日益微

志氣或志氣

幾何不從汝而死也死而有知其幾何離其

無知悲不幾時而不悲者無窮期矣汝之子始十歲

十或作一老成二子曰湘曰滂滂以季子出繼則湘固宜十歲也 吾之子始五歲少

而疆者不可保如此孩提者又可冀其成立邪嗚呼

哀哉嗚呼哀哉汝去年書云比得軟脚病往往而劇

此或作非是吾曰是疾也江南之人無南下或常常有之未

始以為憂也憂下或嗚呼其竟以此而殞其生乎抑

別有疾而至斯乎斯下或汝之書六月十七日也東

野云汝歿以六月二日耿蘭之報無月日或作蓋東

野之使者不知問家人以月日如耿蘭之報不知當

言月日或無如字言或作時○今按陸德明經典釋

如字即而字之轉耳不知當言月日者蓋言耿蘭之

報所以無月日者由其不知當言月日者蓋言耿蘭之

也報東野與吾書乃問使者有東上或使者妄稱以應之

耳稱傳其然乎其不然乎然乎無其不今吾使建中祭

汝弔汝之孤與汝之乳母彼有食可守以待終喪則

待終喪而取以來如不能守以終喪則遂取以來其

餘奴婢並令守汝喪

或作葬

吾力能改葬終葬汝於先

人之兆然後惟其所願

或無終葬二字願下或有焉字

嗚呼汝病吾

不知時汝歿吾不知日生不能相養以共居歿不得

撫汝以盡哀斂不憑其棺窆不臨其穴

憑上臨上或有得字

吾行負神明而使汝夭

作行或不孝不慈而不得與汝

相養以生相守以死一在天之涯一在地之角生而

影不與吾形相依死而魂不與吾夢相接吾實爲之

其又何尤彼蒼者天曷其有極自今已往吾其無意

於人世矣當求數頃之田於伊潁之上以待餘年

或作

盡○今按或當教吾子與汝子幸其成長吾女與汝

女待其嫁如此而已嗚呼言有窮而情不可終汝其

知也邪其不知也邪嗚呼哀哉

或無此句尙饗

祭周氏姪女文

韓俞之女適四門博士周況於公為姪女元和十一年卒

其詳見公所誌墓云

維年月日十八叔叔母具時羞清酌之奠祭于周氏

二十娘子之靈

或無子字俞為開封尉女名好好

嫁而有子女子之

慶

元和三年周況登第公以好好妻之生一男一女

纏疾中年又命不永時卒

年七十二

今當長歸與一世違凡汝親戚孰能不哀撰此

酒食以與汝訣汝曾知乎我念曷闕尚饗

祭滂文

滂公之姪孫老成之子也元和十四年公謫潮州滂與其兄湘皆待行是歲冬公移袁州滂乃死于袁遂葬于袁之郭南其詳見公所誌墓也

維年月日十八翁及十八婆盧氏以清酌庶羞之奠

祭于二十三郎滂之靈曰汝聰明和順出於輩流疆

記好文又少與比將謂成長以興吾家如何不祥未

冠而夭吾與盧氏痛傷可言

可或思母之恩連呼以

絕執兄之手勉以無悲情一何長命一何短權葬遠地孤魂無依瀝酒告情哀何有極尚饗

祭李氏二十九娘子文

公之姪孫女其李干妻也

維年月日十八叔翁及十八叔婆盧氏遣昶以庶羞之奠祭于李氏二十九娘子之靈曰汝之警敏和靜人莫及之靜或作舒姿相豐端不見闕虧幼而孤露其然何爲出從于人旣相諧熙又暴以天神何所疵生殺滅益竟誰主尸我哀汝母孰慰窮嫠我憐汝兒誰與抱持念此傷心不能去離奠以送汝知乎不知尚饗

祭張給事文

微公之從子婿也詳見公所誌墓云

維年月日兵部侍郎韓愈謹以清酌之奠祭于故殿中侍御史贈給事中張君之靈御上或無侍字惟君之先以儒名家逮君皇考考名休嘗佐宣武軍再振厥華鄉貢進秀有

司第之

貢或作舉

從事元戎謹職以治遂拜郎官以職王

憲不長其年飛不盡翰乃生給事松貞玉剛幹父之

業纂文有光屢辟侯府亦佐梁師前人是似畫吏嗟

咨御史闕人奪之於朝大廈之構斧斤未操府遷幽

都頑悖未孚繫君之賴乃奏乞留

長慶元年三月以張弘靖為盧龍節

度使徹先為宣武從事累遷監察御史至是弘靖仍

辟徹為盧龍判官時牛僧孺奏徹為真御史弘靖遣

之而密奏幽州不廷日久今臣始至乃遷殿中朱衣

須強佐乃濟行半道有詔以徹還之象版惟義之趨豈利之踐虺豺發釁闔府屠割或作

償其恨犯君獨高脫露刀成林刀或作刃弓矢穰穰千萬

為徒譟謹為狂君獨叱之上不負汝為此不祥將死

無所雖愚何知慙屈變色君義不辱殺身就德七月

都知兵馬使朱克融囚弘靖於薊門館殺幕僚等以且罵眾即擊君以死天子嘉之贈官近侍歸於一死

萬古是記我之從女爲君之配君於其家行實高世
無所於葬輿魂東歸於葬或作掩誄以贈之莫知我
哀嗚呼哀哉尙饗

祭女挈女文

元和中十四年正月公以論佛骨

層峯驛詳見墓誌及層峯驛詩女挈公

第本祭文與擴銘皆作女挈董彦遠曰

古字傳寫之誤蓋古文如紛挈等字無

詩

維年月日阿爹阿八

南史人歌曰始興王人之爹赴

爹○爹屠可切又陟斜切使汝姝以清酒時果庶羞之奠祭于第

四小娘子挈子之靈嗚呼昔汝疾極或作值吾南逐

蒼黃分散使女驚憂我視汝顏心知死隔汝視我面

悲不能啼我旣南行家亦隨謹扶汝上輿走朝至暮

天雪冰寒傷汝羸肌

天或作大汝或作女通用撼頓險阻

不得少息不能食飲

又使渴飢死于窮山實非其命

不免水火父母之罪

穀梁傳昭十九年子既生也使汝

至此豈不緣我草葬路隅棺非其棺既瘞遂行誰守

誰瞻魂單骨寒無所託依人誰不死於汝即寃我歸

自南乃臨哭汝

元和十五年九月公自

汝目汝面在

吾眼傍汝心汝意宛宛可忘

宛宛或作寃寃詩宛在

逢歲之吉致汝先墓

長慶三年十月四日公尹

無驚

無恐安以即路

以沒

飲食芳甘棺輿華好

芳或柔歸于

其亾萬古是保尚饗

昌黎先生集卷第二十三

昌黎先生集卷第二十四

碑誌

李元賓墓銘

按今石刻首題云韓愈撰段季展書其後題云十一年十二月

建立疑立石在葬後

李觀字元賓

謝從古本刪字字今文粹亦然其先隴

然石本有之○此本今从石本

西人也

也或字無

始來自江之東

下或有食太學之祿五字年二十四

舉進士三年登上第又舉博學宏辭得太子校書一

年

書下或

年二十九客死于京師

于或於既斂之三日

或無

友人博陵崔弘禮葬之于國東門之外七里

上友

或字

有其字葬上或有賣

鄉曰慶義原曰蒿原

慶義或某鄉

嵩原或

友人韓愈書石以誌之辭曰

人下或有昌黎

字

已虛元賓壽也者吾不知其所慕夭也者吾不知其

所惡生而不淑孰謂其壽謂其或死而不朽孰謂之

夭謂之或其已虛元賓才高乎當世而行出乎古人或

或作文過已虛元賓竟何為哉竟何為哉已虛元賓諸

四字方从石本今亦从之但方又云上竟字石本作

意而邵公濟嘗數其句法之妙謂歐公而下好韓氏

學者皆未之見遂不識其說上字作志意之當下字

作究竟之竟則子不識其何說也竊意若非當時誤

刻即是从後來字半磨滅而讀者不審遂傳此謬好事

者又從而夸大之使世之愚而好怪者遂為所惑甚

也可笑

崔評事墓銘

君諱翰字叔清博陵安平人安平或作平安今曾大

父知道仕至大理司直大父玄同為刑部侍郎出刺

徐相州同或作童非父倚舉進士天寶之亂隱居而

終君既喪厥父攜扶孤老託于大江之南卒喪通儒

書作五字句詩敦行孝悌談諧縱謹卓詭不羈卓詭或無

此二字或作處世皆非是又善飲酒江南人士多從之遊貞元八

年君生四十七年矣以卒日攷之七當作六自江南應節度使

王栖曜命于鄜州既至表授右衛胄曹參軍實參幕

府事直道正言補益弘多弘或作尤既去職遂家于汝州

汝州刺史吳郡陸長源引為防禦判官表授試大理

評事十二年相國隴西公作藩汴州而吳郡為軍司

馬貞元十二年七月以董晉為宣武軍節度使八月

長源自汝州授檢校禮部尚書充宣武軍行軍司隴西公以為吳郡之從則賢也之從或併

馬隴西公署為觀察巡官實掌軍田鑿澮溝斬芟茅或併

出之字皆非是莠是署為觀察巡官實掌軍田鑿澮溝斬芟茅或併

陸言之作茅自當為陸田千二百頃水田五百頃

或無為字五連歲大穰軍食以饒幕府以其功狀聞

其字使者未復命以十五年正月五日寢疾終于家

年五十有六矣隴西公賻贈有加自始有疾吳郡率

幕府寮屬日一至其廬問焉其既甚也日再往問焉

其終也往哭焉比小斂大斂三哭焉方無大斂字○今按上文并大

斂計之乃得三於斂之二十日其妻與其子以君之

喪旋葬于汝州與或作以其二月某日遂葬于某縣

某鄉某原君內仁九族外盡賓客於其所止其來如

歸苟親矣雖不肖收之如賢苟賢矣雖貧賤待之如

貴人是故其歿也其弔者與其哭者其聲也必哀盡

焉鄭氏也有子二人女一人吾聞位不稱德者有後

德者下或嗚呼君其終有後乎銘曰

朝之言嘻嘻夕之言怡怡偕入而出乘馬馳馬下或

一日不見而死吁其悲其下或

施先生墓銘

貞元十八年十月十一日太學博士施先生士丐卒

其寮太原郭伉買石誌其墓原或無太昌黎韓愈爲之

辭曰先生明毛鄭詩通春秋左氏傳善講說劉公嘉話拾遺

言子嘗與柳入韓也言鵜自合求魚不聽毛詩說維鵜在

其魚譬之入自無善事攘人之美者如鵜在人梁上取

焉則毛注失之矣又說山無草木曰姑所以言陟彼

翦勿拜無可姑也以其無草木故以譬之又說甘棠勿

非也又說維北有斗不可挹酒漿言不也毛注拜猶伐

都術宰相李石因言士巧撰春秋傳未甚傳後文宗喜

矣穿鑿之學徒爲異同但學者如浚井得朝之賢士

大夫從而執經考疑者繼于門有繼下或太學生習毛

鄭詩春秋左氏傳者皆其弟子貴游之子弟時先生

之說二經來太學帖帖坐諸生下恐不卒得聞帖帖

怡怡下又有然字非是先生死二經生喪其師仕於學者亡其

朋故自賢士大夫老師宿儒新進小生聞先生之死

哭泣相弔歸衣服貨財先生年六十九在太學者十

九年由四門助教為太學助教由助教為博士太學

由四下十八字此從諸本杭本無為太學助教由助

教入字云蓋言由四門助教至為博士於太學故也

若從今文則下太學字贅矣○今按此既言其在太

學者十九年則所歷官不應但一再遷而已當從諸

本為是但下太學二字疑衍不然則或在博士上或

在下文當去下然無所據不敢輒改姑存之以俟知

者秩滿當去諸生輒拜疏乞留乞遷三字或留或遷

凡十九年不離太學杭本無凡下八字○今按上文

字誠為重複然欲去之則或留或遷語勢未盡又不

知公意果如何今亦論而闕之不敢定其去留也

祖曰旭袁州宜春尉父曰媯丑略豪州定遠丞豪或

說已見前按此誌在妻曰太原王氏先生卒子曰

友直明州鄞縣主簿鄞或作鄞鄞縣名前漢云殺鄞

鄞二縣長鄞縣會稽縣○鄞莫

候曰友諒太廟齋郎系曰

先生之祖氏自施父施父魯大夫見其後施常事孔

子以彰

史記弟子桓一列傳施之讎為博士施漢書儒林傳

宣帝時為博士

延為太尉

年延順帝陽嘉二年

太尉

之孫始為吳

人曰然曰續

當作續吳志朱然字公緒亦載其跡先

生之興公車是召纂序前聞于光有曜古聖人言其

旨密微箋注紛羅顛倒是非紛或分聞先生講論如客

得歸

得或有卑讓肫肫

中庸曰肫肫其仁鄭注肫讀

出

言孔揚今其死矣誰嗣為宗

為或縣曰萬年原曰神

禾高四尺者檀弓孔子曰吾聞之古者墓而不墳今

是封之崇四尺先生墓邪

考功員外盧君墓銘

或作表○公元和二年

愈之宗兄故起居舍人君

柳子厚先友記云韓會昌

高然以故多謗至起居郎貶官卒則

以道德文學伏

一世伏或其友四人其一范陽盧君東美少未出仕

起居舍人君會也子厚以為郎誤矣

昌黎先生集

四

中華書局聚

一

世

一

世

昌黎先生集

二十四

四

中華書局聚

或無皆在江淮閒天下大夫士謂之四夔永泰中會與盧東美

張正則崔造為友好談經濟之略嘗以王佐自許時人號為四夔舊史載於崔造傳新史亦具載之而撫

言乃以何長師李華盧東美韓衢為四夔非是其義以為道可與古之夔臯

者侔故云爾夔臯或作臯夔後同或曰夔嘗為相世謂相夔四

人者雖處而未仕天下許以為相故云大歷初御史

大夫李栖筠由工部侍郎為浙西觀察使當是時中

國新去亂仕多避處江淮間仕或嘗為顯官得名聲

以老故自任者以千百數大夫莫之取獨晨衣朝服

或無晨字從騎吏入下里舍請盧君君時始任戴冠通詩

書與其羣日講說周公孔子以相磨礱浸灌婆娑嬉

游未有捨所為為人意既起從大夫天下未知君者

惟奇大夫之取人也不常必得人其知君者知上或無其字

謂君之從人也非其常守必得其從其後為太常博

士監察御史河南府司錄考功員外郎年若干而終

在官舉其職若若干或作五十四夫人李姓隴西人君在配君

子無違德有配上或作字君歿訓子女得母道甚或作甚後得母道

君二十年年六十六而終二十或作十六或作十四將合葬其

子暢命其孫立曰乃祖德烈靡不聞然其詳而信者

宜莫若吾先人之友先人之友無在者起居丈有季

曰愈文或作又能為古文業其家是必能道吾父事業汝

其往請銘焉有父下或字立於是奉其父命奔走來告愈

謂立曰子來宜也行不可一二舉且吾之生也後不

與而祖接不得詳也得下或有其字其大者莫若衆所與觀

所與衆寡茲可以審其德矣乃祖未出而處也天下

大夫士以為與古之夔臯者侔大夫或作之且可以為相

其德不既大矣乎講說周公孔子樂其道不樂從事

於俗得所從不擇外內奮而起擇或作釋其進退不既合

於義乎銘如是可以示於今與後也歟立拜手曰唯

唯君祖子輿濮州濮陽令父同舒州望江令夫人之

祖延宗鄆州司馬父進成鄜州洛交令君祖下二十四字或但言

君祖某某官父某某官夫某某官夫某某官夫某某官男三人暢申易

女三人皆嫁為士人妻無士下或無之字墓在河南緱氏縣梁

國之原緱氏下七字或作某其年月日字或非是四元

和二年二月十日云有十四字或

施州房使君鄭夫人殯表房使君房武也武刺施州而夫人卒

殯于江陵公時為江陵法曹而作繼於河南銘興元少尹房君墓即武也

夫人之先出於周或無之字○今按此篇之以鄭為

氏因初侯周厲王少子友封於鄭是為成公其曾祖

諱隨祖諱玠厥考諱絳咸垂休歸于房宗生九子左

右黍稷祠春秋道順德嚴顯且裕宜壽而富今何謬
富或作貴永貞冬至前四日寓殯墳此非其丘

清邊郡王楊燕奇碑文
晁本作清邊郡王楊公神道碑

公諱燕奇字燕奇字上或無奇字弘農華陰人也大父知古

邠州司倉烈考文誨天寶中實為平盧衙前兵馬使

盧下或有軍字位至特進檢校太子賓客封弘農郡開國伯

世掌諸蕃互市恩信著明夷人慕之祿山之亂公年

幾二十燕奇開元二十四年祿山反時燕奇年十八進言於其父

曰大人守官宜不得去宜或作義王室在難某其行矣其

父為之請於戎帥遂率諸將校之子弟各一人閒道

趨闕變服詭行日倍百里天子嘉之特拜左金吾衛

大將軍員外置賜勳上柱國寶應二年春二年或作二歲詔

從僕射田公平劉展上元元年十一月長史鄧景山以

兵拒之為展所敗進陷楊潤昇等州二年正月平
盧兵馬使田神功生禽展楊潤平今云寶應誤也又

從下河北大厯八年帥師納戎帥勉于滑州大厯八年三月

李勉為節度使令狐彰卒以工部尚書
師是年十一月神功卒神功本傳云大厯二年來朝加檢校

尚書右僕射而此建中二年城汴州建中二年三月功

云九年未知孰是建中二年城汴州建中二年三月功

勞居多三年從攻李希烈先登貞元二年從司徒劉

公復汴州貞元四年十二月李希烈陷汴州興元元

衆希烈遁歸蔡州汴州平今云十二年與諸將執以

城叛者歸之于京師事平授御史大夫食實封百戶

賜繒綵有加封下或十四年年六十一五月某日終

于家自始命左金吾大將軍凡十五遷為御史大夫

職為節度押衙右廂兵馬使兼馬軍先鋒兵馬使或右

左階為特進勳為上柱國爵為清邊郡王食虛邑自

三百戶至三千戶真食五百戶終焉

或無自字公結

髮從軍四十餘年

或作歲

敵攻無堅城守必完臨危蹈

難歔歔感發乘機應會捷出神怪不畏義死不榮幸

生故其事君無疑行其事上無閒言初僕射田公其

母隔于冀州公獨請往迎之經營賊城出入死地卒

致其母田公德之約為父子故公始姓田氏田公終

而後復其族焉嗣子通王屬良禎以其年十月庚寅

葬公于開封縣魯陵岡隴西郡夫人李氏祔焉

通王德宗

之子謹以貞元中領宣武及河東節葬月或作二月

或作三月或作八月或作十月燕奇卒於五月作二

此碑多誤不曉所以僕射田公田神功也神功以上

元二年平劉展此作寶應二年舊傳神功大厯夫人

清夷郡太守祐之孫漁陽郡長史獻之女柔嘉淑明
先公而殂有男四人女三人後夫人河南郡夫人雍

氏某官之孫某官之女有男一人女二人咸有至性

純行有人女二人或作男二一或下有字夫人同仁均養

親族不知異焉君子於是知楊公之德又行於家也

銘曰

烈烈大夫或作大夫逢時之虞感泣辭親從難于秦維茲

爰始遂勤其事四十餘年或裨或專攻牢保危爵位

已濟既明且慎終老無墮魯陵之岡蔡河在側在或作之

烝烝孝子思顯勳績斲石于此式垂後嗣

河南少尹裴君墓誌銘

公諱復字茂紹復或作稷唐世系表集古錄皆作復河東人曾大父元

簡大理正大父曠御史中丞京畿採訪使父虬以有

氣略敢諫諍為諫議大夫或無有字諫諍二字引正

大疑有寵代宗朝屢辭官不肯拜卒贈工部尚書歐陽

公跋怡亭銘云裴虬撰李陽冰篆李莒書銘在武昌
江水中有小島亭在其上銘刻於島石虬代宗時為

道州刺史唐史按公此文云虬為諫議大夫不云為道公

州刺史唐史亦不見其事歐陽豈得之怡亭銘耶公

舉賢良拜同官尉僕射南陽公開府徐州貞元四年

入朝歷殿中侍御史累遷至刑部郎中遷或作選非是疾病

改河南少尹輿至官若干日卒實元和三年四月二

十三日享年五十夫人博陵崔氏少府監頰之女頰

音挺男三人璟質皆既冠其季始六歲曰充郎充或作彥世系

表作望郎卜葬得公卒之四月壬寅遂以其日葬東都芒

山之陰杜翟村公幼有文年十四時寶應元年上時雨詩

代宗以為能將召入為翰林學士尚書公請免曰願

使卒學或無字丁後母喪上使臨弔又詔尚書公曰詔

謂作父忠而子果孝吾加賜以厲天下終喪必且以為

翰林下或有士字其在徐州府能勤而有勞在朝以恭儉

守其職居喪必有聞待諸弟友以善教館嫠妹畜孤

甥能別而有恩作而有或以歷十一官而無宅於都無田

於野無遺資以為葬斯其可銘也已銘曰

裴為顯姓入唐尤盛支分族離各為大家此銘以家叶離方言

○羅謂之羅羅謂之羅蓋古音通也惟公之系德隆位

細曰子曰孫厥聲世繼子或祖晉陽之色或作愉愉翼

翼無外無私幼壯若一何壽之不遐而祿之不多謂

必有後其又信然耶

國子助教河東薛君墓誌銘石本有河東字或無然此後多

从石本今亦从之石本首云朝議郎守國子博士韓愈撰

君諱公達字大順薛姓字大順或曾祖曰希莊撫州

刺史贈大理卿祖曰元暉果州流溪縣丞贈左散騎

常侍

本祖下十六字方云閣杭蜀本皆闕惟監本與石

不足取今此數字乃三本所無而今有者若非偶有

石本則必以此為後人校增而不之信矣故知今本與

閣杭蜀苑粹不同者未必父曰播元暉三子據摠播

皆無所自也觀者詳之 十八年並登第尚書禮部侍郎侍郎命君後兄據據

為尚書水部郎中贈給事中據或君少氣高為文有

氣力務出於奇以不同俗為主始舉進士不與先輩

揖作胡馬及圓丘詩京師人未見其書皆口相傳以

熟及擢第補家令主簿佐鳳翔軍或無及擢第三字

鳳翔留後邢君牙為鳳翔尹鳳翔 隴西觀察使至是表公達佐其軍軍帥武人君為作

書奏讀不識句傳一幕以為笑不為變有笑下或後九

月九日大會射有會下或設標的高出百數十尺令曰

中酬錦與金若干一軍盡射莫能中或無盡字能中

君執弓罽二矢指一矢以興指或作挾閣本無指一

發三中考之闕本之謬明矣閣揖其帥曰請以為公歡遂適射所一

座皆起隨之或皆字射三發連三中射字的壞不可復

射中輒一軍大呼以笑連三大呼笑帥益不喜即自

免去後佐河陽軍任事去害興利功為多拜協律郎

益棄奇與人為同今天子修太學官有公卿言詔拜

國子助教分教東都生元和四年年卅七二月十四

日疾暴卒冊七石本如此下二十一日本亦君再娶初

娶琅邪王氏後娶京兆韋氏或無初娶以凡產四男

五女男生輒即死字或無產自給事至君後再絕皆有

名或無皆有名三字然三字之義未詳而方遺言曰

以公儀之子已已後我按此已後我或作為己後○今

也字其年閏二月廿一日見上說弟試太子通事舍人公

儀京兆府司錄公幹以君之喪歸官試下七字或作某

殿中侍御史

以五月十五日葬于京兆府萬年縣少陵原

合祔王夫人瑩

以君下二十八年或作銘曰

宦不遂

作官不能達遂一作遷歸譏於時
譏或作議石本逸

身不得年又將尤誰世再絕而紹祭以不墮

監察御史元君妻京兆韋氏夫人墓誌銘

諸本

無京兆以上九字

夫人諱叢字茂之姓韋氏

茂或作成○今以茂其上七

世祖父封龍門公

後周驃騎將軍晉州總管公龍門之

後世率相繼為顯官

通長史韋通封龍門縣公龍門之

主客郎中萊濟商三州刺史

夫人曾祖父諱伯陽自萬年令為大

原少尹副留守北都卒贈祕書監

或無北其大王父

迢以都官郎為嶺南軍司馬卒贈同州刺史王考夏

卿以太子少保卒贈左僕射

保下或僕射娶裴氏臯

女射或無僕 臯為給事中為上或有 臯父宰相耀卿夫

人於僕射為季女愛之選壻得今御史河南元稹選

或有其字稹字 稹時始以選校書祕書省中校上或有

微之河南人 非其後遂以能直言策第一拜左拾遺果直言失官

又起為御史舉職無所顧夫人固前受教於賢父母

得其良夫又及教於先姑氏固或作因父上或無賢

非受皆 率所事所言皆從儀灋言或 年二十七以元

和四年七月九日卒卒三月得其年之十月十三日

葬咸陽從先舅姑兆銘曰

詩歌碩人爰敘宗親女子之事有以榮身夫人之先

累公累卿有赫外祖有或作於祖 相我唐明歸逢其

良夫夫婦獨不與年而卒以天寶生五子一女之

存銘于好辭以永於聞好或 卷第二十四

昌黎先生集卷第二十五

碑誌

登封縣尉盧殷墓誌

孟郊詩有弔盧殷十首其一云登封草木深登

封道路微日月不與光莓苔空生衣可

憐無子翁蚍蜉緣病肌攣臥歲時長漣

漣但幽噫幽噫虎豹閱此外相訪稀至

親惟因依磨一片嵌巖書千古光輝蓋

謂公以河南令為盧作此誌也時元和

云五年

元和五年十月日范陽盧殷以故登封縣尉卒登封

年六十五有月五下或日君能為詩自少至老詩可錄傳者

在紙凡千餘篇無書不讀然止用以資為詩紙或無在

以下或有自字與諫議大夫孟簡協律孟郊監察御史馮宿

好期相推挽卒以病不能為官在登封盡寫所為詩

抵故宰相東都留守鄭公餘慶抵或無公字留守數以

帛米周其家書薦宰相宰相不能用竟飢寒死登封

將死自為書告留守與河南尹房式也乞葬己又為詩

與常所來往河南令韓愈曰為我具棺留守尹為具

凡葬事韓愈與買棺又為作銘十一月某日葬嵩下

鄭夫人墓中嵩下或君始娶滎陽鄭氏後娶隴西李

氏生男輒死卒無子女一人女上或學浮屠法不嫁

為比丘尼云

興元少尹房君墓誌房君武也公嘗為其夫

墓其

房故為官族官或稱世有人自太尉瑄瑄字次律以

德行為相相玄宗肅宗天寶十五年七月玄宗拜瑄

元年五月罷廣德名聲益彰徹大行世號其門為太尉

家宗族子弟皆法象其賢公會祖諱玄靜尚書膳部

郎中歷資簡涇隰四州刺史太尉之叔父也玄靜父

二子長曰玄基次曰玄靜玄基子融天后祖諱肱為

號州司馬父諱巒或作都水使者皆名能守家法公

諱武字某以明經歷官至興元少尹謹飭畏慎年七

十三以其官終幼壯為良子弟老為賢父兄歷十二

官處事無纖毫過差嘗以殿中侍御史副丹陽軍使

其後為熱屋令施州刺史丹陽熱屋施州吏民至今

思之○熱音轉屋音室扶風縣名水曲曰娶滎陽鄭

氏女生男六人其長曰次卿次卿有大才不能俯仰

順時年四十餘尚守京兆興平尉然其友皆曰房氏

有子也次曰次公次膺次回次衡次元始學而未仕

女三人皆嫁為士人妻士人或初公之在施州夫人

卒焉殯于江陵元和五年次卿與其羣弟奉公之喪

自興元至堂殯于伊水之南於公改葬服議殯六年正

月次公奉夫人之喪自江陵至遂以其月十四日合

葬河南緱氏之高龍原公母弟式自給事中為河南

尹孝友慈良盡費其財以奉公葬未葬之一月詔以

河南為御史中丞領宣州觀察使中丞或將行往

召河南令韓愈泣謂曰吾兄之葬於是而吾為尹於

是吾以為得盡其道於吾兄也今壓於上命不得視

吾兄之棺入此土也豈非天邪子與吾兒次卿游我

重知子凡吾兄之終事將子是託焉愈既不獲辭既

助其凡役事退又為銘云

有位有年年或有弟有子從先人葬是謂受社

河南少尹李公墓誌銘李素也據史李素無傳於李錡傳附見焉

元和七年二月一日河南少尹李公卒年五十八下尹

或有隴西字 斂之三月某甲子葬河南伊闕鳴臯山

下或作伊闕或作陸渾 斂之三月某甲子葬河南伊闕鳴臯山

月其子道敏哭再拜授使者公行狀公或作功非是 以幣走

京師乞銘於博士韓愈曰作於一少尹將以某月日葬

不得跣以請愈曰公行應銘法公方作功○今按若

而無所承其誤明甚 子又禮葬敢不諾而銘諸葬字

其父貧不能家母夫人提以歸教育于其外氏育或

丞相泌觀察陝虢以材署運使從事以課遷尉京兆

鄂邑名古有扈 考滿以書判出其倫選主萬年簿倫

而母夫人固在食其祿母夫人卒三年

昌黎先生集 二十一 五

中華書局聚

改尉長安遷監察御史奏貶九卿一人作貶或改詹事

丞遷殿中侍御史由度支員外郎選令萬年或無郎字選令

萬年或年公主奪驛田主下或有簿錄之簿非是京兆尹

符縣割畀之公不與改度支郎中使度支或屯田侍郎介

恃或作特非是元和元年四月以兵不禮其屬大夫

士擅喜怒賞罰擅或無公獨入讓不受劉闢平上以蜀

賞高崇文尚書省以崇文幕府爭鹽井因革便不便

命公使崇文或無崇或作與崇崇文命幕府唯公命從

即其日事已疏奏事已或侍郎外稱其能竟坐前敢

抗已衢州飢擇刺史侍郎曰莫如郎李某如郎下或

遂刺衢州至一月遷蘇州遷下或有刺史兼曰李錡且

反必且奏族臣上因留為吏李錡前反權將之戍諸

州者或無權刺史至斂手無敢與敵無敢字皆非是

二年十月鎮海節度使李錡反先是錡選腹心五人

為所部五州鎮將姚志安處蘇州李深處常州趙惟

忠處湖州上自明處杭州高肅處睦州公至十二日

錡反公將左右與賊戰州門不勝賊呼入公端立責

以義號端非是皆斂兵立不逼錡命械致公軍將斬以

徇及境錡適敗縛或無公脫械還走州錡反素為志

州于錡具桎梏釘于船舷未及京口十月潤賊急卒不

暇走死民抱扶迎盡出急卒一作錡素獲免將之今按州字

者以公至之速不及走死為州民執天子使貴人持

以迎公耳然民字以下必有脫誤

紫衣金魚以賜居三年州稱治拜河南少尹行大尹

事六年三月以河南尹鄒士美為昭義軍節度使以

為郎代素呂氏子炅棄其妻著道士衣冠或無謝母曰

當學仙王屋山去數月復出閒詣公公立之府門外

使吏卒脫道士冠給冠帶送付其母黜屬令二人以

賦減民賦錢歲五千萬賦或作賦古通用然不知此

賦即下文賦錢也但屬上句者語意差澁耳千或作十

請緩民輸期一月詔天下輸皆緩一月公一斷治不

收聲事常出名上曾祖弘泰簡州刺史弘或純祖乾秀

伊闕令父燮宣州長史贈絳州刺史母夫人燉煌張

氏其舅參有大名氏下或有封西平郡公之配曰彭

城劉氏夫人公或作彭城縣君五字夫人先卒其葬

以夫人祔夫人曾祖曰子女祖曰鯨皆有大名公之

子男四人長曰道敏舉進士其次曰道樞其次曰道

本道易皆好學而文無其次曰三字道樞五字樞下或

次曰女一人嫁蘇之海鹽尉韋潛自簡州而下皆葬

鳴臯山下銘曰

高其上而坎其中上下或有立字立以為公之宮奈

何乎公

集賢院校理石君墓誌銘

校理下或有京北昭應尉五字洪佐

烏重胤于河陽公嘗有詩及序送之至是卒公祭以文又銘其墓

君諱洪字濬川其先姓烏石蘭九代祖猛始從拓拔

氏入夏居河南九或作七下文七世為曾祖則此當

秉王興並賜姓拓至氏又有拓拔氏初黃帝子昌意

少子受封北土黃帝以土德王北俗謂土為拓謂石

為跋故以拓跋為氏跋亦一作拔或說自云拓天而

生拔地而長遂以為氏後魏孝文太和二十年改為

元氏夏謂中夏也○遂去烏與蘭獨姓石氏而官號

拓音託跋蒲撥切大司空後魏孝文皇帝太和十八年遷都洛陽二十

望後魏宮氏志烏石蘭氏改後七世至行襄官至易

姓石氏有司空蘭陵公石猛州刺史於君為曾祖易州生婺州金華令諱懷一卒葬洛陽北山金華生君之考諱平為太子家令葬金華墓東而尚書水部郎劉復為之銘君生七年喪其

母九年而喪其父能力學行去黃州錄事參軍李艱嘗有

薦洪州糾此黃字蓋誤則不仕而退處東都洛上十

餘年行益修學益進交遊益附聲號聞四海或作方故

相國鄭公餘慶留守東都上言洪可付史筆李建拜

御史建字杓真元和三年十月高郢為御史建舉洪自代崔周禎

為補闕禎或作禎考周頌从示○今按皆舉以讓宣

歛池之使盧坦與浙東使薛華交牒署君從事君下或為字河

陽節度烏大夫重胤閒以幣先走廬下走下或為字故為

河陽得得上有字佐河陽軍元和五年四月以烏重胤為河陽節度使表洪為府

參謀吏治民寬考功奏從事考君獨於天下為第一元

和六年詔下河南徵拜京兆昭應尉校理集賢御書

明年六月甲午疾卒年四十二娶彭城劉氏女故相

國晏之兄孫生男二人八歲曰壬四歲曰申女子二

人顧言曰葬死所七月甲申葬萬年白鹿原既病謂

其游韓愈曰子以吾銘以或銘曰

生之艱成之又艱若有以為而上於斯

唐故江西觀察使韋公墓誌銘諸題唐故或有或無或用大

銘字或無銘字皆從舊本石本多用大

唐字○韋丹新史列之循吏傳皆取公

公諱丹字某姓韋氏字某或作六世祖孝寬仕周有

功以公開號於鄭孝寬名叔裕以字行仕周為大司

鄭音鄭公之子孫世為大官孝寬子津位內史侍郎

子琨字玄理唐太子詹事封武陽縣侯琨唯公之父

政卒雒縣丞贈號州刺史公既孤以甥孫從太師魯

公真卿學太師愛之或無太師舉明經第選授峽州

遠安令以讓其庶兄峽或作硤考地入紫閣山事從

父熊通五經登科

登下三字或有明五經

歷校書郎咸陽

尉佐邠寧軍

貞元四年七月以張獻甫為邠寧節度使獻甫表丹佐其府

自監察

御史為殿中侍御史徵拜太子舍人益有名遷起居

郎吳少誠襲許州拜河陽行軍司馬未行少誠死改

駕部員外郎

河陽下或有軍字或無未行二字少上或有適字

新羅國君死

公以司封郎中兼御史中丞紫衣金魚往弔立其嗣

故事使外國者常賜州縣官十員使以名上以便其

私號私覲官公將行曰吾天子使使海外國不足於

資

或作

宜上請安有賣官以受錢邪即具疏所以上

以為賢命有司與其費

或無以為賢三字

至鄆州會新羅告

所當立君死還拜容州刺史容管經略招討使始城

容州周十三里置屯田二十四所

或無置字

化大行詔加

太中大夫順宗嗣位拜河南少尹行未至拜鄭滑行

軍司馬

無軍上或行字

始至襄陽詔拜諫議大夫既至日言

事不阿權臣蹇然有直名遂號為才臣劉闢反圍梓

州詔以公為東川節度使御史大夫

或無詔字八月

阜卒度支副使劉闢自為留後九月徵闢為給事中

不受詔議者欲釋不問丹上疏以為今釋闢不誅則

善其言以指臂而使者唯兩京耳此外誰不為叛上公

行至漢中上疏言梓州在圍閉守方盡力不可易將

徵還入議蜀事

有徵上或請字劉闢去梓州因以梓州讓高

崇文元三月和元年至漢中表以左行營節度使高崇文討闢

與梓州綴其士心必能有功四月以拜晉慈隰等州

觀察防禦使是三月以丹為晉慈自扶風縣男進封武

陽郡開國公食邑二千戶或無邑字將行上言臣所治三

州非要害地不足張職為國家費不如屬之河東便

上以為忠

或無上以為忠四字疑或公自以前有上

也字一歲拜洪州刺史江南西道觀察使以晉慈隰屬

河東元和二年正月以宰相杜黃裳為河中西晉公既

至則計口受俸錢委其餘於官罷八州無事之食者

洪江饒虔吉以聚其財始教人為瓦屋取材於山召

陶工教人陶聚材瓦於場度其費以為估不取贏利

凡取材瓦於官業定而受其償從令者免其賦之半

逃未復者官與為之貧不能者畀之財畀或作禰載

食與漿親往勸之為瓦屋萬三千七百為重屋四千

七百民無火憂暑濕則乘其高別命置南北市營諸

軍歲旱種不入土募人就功厚與之直而給其食業

成人不病飢為長衢南北夾兩營或無長字東西七里人

去灑汚氣益蘇汚或作汗復作南昌縣徙廐于高地因其

廢倉大屋馬以不連死馬或作焉不或作為死或作廐

息不明年築堤扞江長十二里疏爲斗門以走潦水

公去位之明年江水平堤老幼泣而思曰老上或有既退二字

無此堤吾屍其流入海矣灌陂塘五百九十八得田

萬二千頃凡爲民去害興利若嗜慾居三年於江西

八州無遺便其大如其細可略也其大下九字闕杭李謝本作其

大不可略如是或作其大略如是皆非是一無也字卒有違令當死者公不果

於誅杖而遣之去上書告公所爲不法若干條法下有

者朝廷方勇於治且以爲公名才能臣治功聞天下

不辨則受垢詔罷官留江西待辨使未至月餘公以

疾薨使至辨凡卒所告事若干條皆無絲毫實詔答

卒百流嶺南公能益明春秋五十八薨於元和五年

八月六日公好施與家無剩財剩或作贖自校書郎至爲

觀察使擁吏卒前走七州刺史與賓客處如布衣時

自持卑一不易或在無如布衣時四字或無一字娶清河

崔氏故支江令諷之女支或枝某官某之孫有子曰實

年十五明經及第嗣其家業後夫人蘭陵蕭氏中書

令華之孫殿中侍御史恒之女皆先公終有女一人

或無凡公男若干人女若干人杜或無女若干人四字

事充嶺南節度使實無聞遺岫審大理評事明年七月壬寅從葬萬年縣少陵

原或無將葬其從事東平呂宗禮宗禮即呂恭字與

其子實謀曰我公宜得直而不華者銘傳於後固不

朽矣方從閣杭蜀本無直而不華者五字及傳於後

不知嘉祐杭本已如此大抵方未嘗見嘉實來請銘

銘曰

武陽受業始於太師真卿以官讓兄自待不疑勤于

紫閣取益以卑可謂有源卒用無疵慊慊為人或慊慊

謙謙矯矯為官爰及江西功德具完名聲之下獨處為

難辯而益明仇者所歎音難碑于墓前維昭美故納銘

墓中以識公墓志切識式

唐故河南府王屋縣尉畢君墓誌銘

畢氏出東平後世為東平須昌人歷漢魏晉宋齊

梁陳士大夫不絕世晉有畢湛為中書郎北史畢敬衆

子元賓父子相繼為兗州刺史元賓六子祖朽祖髦

祖歸祖旋祖榮祖暉祖歸子義暢祖榮子義允義允

子義勳義雲入國朝有為司衛少卿貝邢廬許州刺

史者曰憬入或作人屬上句憬河南偃憬之子構一作

稱非是構累官至吏部尚書卒贈黃門監是為景公

新舊史有畢構傳終於戶部尚書世系景公生抗為

廣平太守抗安祿山城陷覆其宗贈戶部尚書杭本

抗作抗世系表作抗傳作抗而世系官職亦不同覆其宗或作其宗覆焉尚書生垆家破

時垆生始四歲作四或七與其弟增以俱小漏名籍得不

誅為賞口賊中寶應二年河北平宗人宏以家財贖

出之求增不得增長為河北從事兼官至御史中丞

垆既至長安宏養於家教讀書明經第明經第一句當有脫字

今按明上或經下當有中字或登字之類宏死垆益壯始自別為畢氏歷

尉臨渙安邑王屋年六十一以元和六年二月二日

卒於官初罷臨渙徐州節度張建封慕廣平之節死

或作死節聞君篤行能官請相見署諸從事請上或有以幣字署上或有

有遂字疑衍攝符離令四年及尉王屋徐之從事有為

河南尹者聞君當來喜謂人曰河南庫歲入錢以千

計者五六十萬作入錢或出錢須謹廉吏今畢侯來吾濟矣

繼數尹諸署於府者無不變諸或請而畢侯固如初竟

以其職死君睦親善事過客未嘗問有無既卒家無

一錢凡棺與墓事墓或葬皆同官與相識者事之娶清

河張氏女女下或有子字誤入生男四人曰鎬鈺鈇

銳女子三人其長學浮屠法爲比丘尼其季二人未

嫁以其月二十五日從葬偃師之士婁銘曰

上古愛民爲官求人苟可以任位加其身其後喜權

人自求官退而緩者身後人先故廣平死節而子不

荷其澤王屋謹廉而神不福其謙嗚呼天與人苟無

傷其穴與墳

試大理評事胡君墓銘

胡之氏別於陳周武王封胡公滿於陳其支子自稱胡氏明允先允或元河

東人世勤固或作國戴厥身戴或載籍文譜進連倫惟明

允加武資力牛虎柔不持吏夏陽同州屬邑有施爲去平

陽郡晉州民思悲河東土河陸原宜茲人肖厚完後或昆

或作省厚寬○今按五十七不足年孤兒啼死下官

母弟証秩大夫秩或作秋胡第証元和九年以御史

友韓愈司馬徒豈十二年從征撫君遺哭泣書撫或

淮西時邪然則秋當為秩明矣友韓愈司馬徒或謂公是時為太史司馬徒

友韓愈司馬徒謂司馬遷父子耳以誌作後銘系序初

襄陽盧丞墓誌銘故有唐

范陽盧行簡有盧下或將葬其父母乞銘於職方員外

郎韓愈曰吾先世世載族姓書世世或作五世盧植

漢北中郎將子毓字子家魏司空容城侯毓子挺字

子笏泰山太守瑛子志字子偃慕容氏營丘太守偃子

子諒司空從事中郎謹子真後魏中侍郎玄子伯源

郡太守烏祕書監伯源字道將弘農太守燕吾胄於路拔

氏之弘農守守後四代吾祖也懷仁子彦獅孫東宮為

沂錄事參軍

沂下或州字

五世而吾父也為襄陽丞始吾

父自曹之南華尉

歷萬年縣尉

萬年二字或作三

至襄陽丞

以材任煩能持廉名去襄陽則署鹽鐵府出入十年

常最其列

十府下或有職字

貞元十三年終其家年六

十七殯河南河陰

南下或有縣字

吾母燉煌張氏

也王父瓘為克之金鄉令

之或州

先君歿而十三年夫

人終年七十三從殯河陰

或歿下無而字

生子男三

人居簡金吾兵曹行簡則吾其次也大理主簿佐江

西軍其幼可久女子嫁浮梁尉崔叔寶將以今年十

月自河陰啓葬汝之臨汝之汝原

葬下或有於字

原上或有臨字

吾曰陰陽星厯近世儒莫學獨行簡以其力

餘學能名一世舍而從事於人以材稱葬其父母乞

銘以圖長存

或作圖

是真能子矣可銘也遂以銘

按今

此與後篇張圓志文體特為橫逸與諸篇不同亦其
文之變也但此篇中稱吾者皆述虛語而最後一吾
似少分別耳弘農諱懷仁沂諱璈襄陽諱某今年實

元和六年沂州字

唐河中府法曹張君墓碣銘李肇國史補云

吏弘初秉節事無小大委之極歡而遣

圓多怨言及量移誘至汴州後乃委

盜死塗中亦未曾略及貶謫之意則國

史補未必可信也葬以元和五年二月

庚午據長曆二月無庚午若曰庚午則

晦也

有女奴抱嬰兒來致其主夫人之語曰妾張圓之妻

劉也劉下或字妾夫常語妾云吾常獲私於夫子且曰

夫子天下之名能文辭者或非夫子凡所言必傳世
行後今妾不幸夫逢盜死途中逢或將以日月葬妾
重哀其生志不就恐死遂沈泯名或作敢以其稚子沐

見先生將賜之銘

汴下或有兒字或無將字

是其死不爲辱而名

永長存所以蓋覆其遺胤子若孫

胤下有或字

且死萬一

能有知將不悼其不幸於土中矣又曰妾夫在嶺南

時嘗疾病泣語曰吾志非不如古人

人或無字

吾才豈不

如今人而至於死於是邪若爾吾哀必求夫子

銘是爾與吾不朽也愈既哭弔辭遂敘次其族世名

字事始終而銘曰

弔下或有卽字今按既辭而遂敘其事蓋一辭而許所謂禮辭者也

君字直之祖謹父孝新皆爲官汴宋閒君嘗讀書爲

文辭有氣有吏才嘗感激欲自奮拔樹功名以見世

初舉進士再不第因去事宣武軍節度使得官至監

察御史坐事貶嶺南再遷至河中府法曹參軍攝虞

鄉令有能名進攝河東令又有名遂署河東從事絳

州闕刺史攝絳州事能聞朝廷元和四年秋有事適

東方既還八月壬辰死于汴城西雙丘年四十有七

明年二月日葬河南偃師日或作庚午考唐曆二月無庚午葬下或有于字

妻彭城人世有衣冠有字無祖好順泗州刺史父泳卒

蘄州別駕女四人男一人嬰兒沐也是為銘

太原府參軍苗君墓誌銘

君諱蕃字陳師漢有陳蕃故蕃字陳師其先楚之族大夫亡晉

而邑於苗世遂以苗命氏楚若敖熊儀生子曰鬬伯比伯比生子良子良生越

椒字伯楚以罪誅其子黃黃其後有守上黨者惠于

民卒遂家壺關潞縣名屬州曾大父延嗣延嗣父襲襲高

尚書中書舍人大父含液延嗣二子含澤舉進士第官

卒河南法曹父穎楊州錄事參軍君少喪父受業母

夫人舉進士第貞元十一年佐江西使有勞三年使

卒貞元十一年八月十三日路寔為江西觀後辟不肯留

後使李巽獨護其喪葬河南選補太原參軍河東節度嚴緞

表佐其府假使職獄平貨滋息吏斂手不敢為非年四十

有二元和二年六月辛巳暴病卒其妻清河張氏以

其年十二月丙寅為其月十九日葬君于洛陽平陰

之原男三人執規執矩必復其季生君卒之三月君

同生昆弟姊凡三人皆先死四室之孤男女凡二十

人皆幼遺資無十金漢以前以鎰者二十四兩斤者十六斤

兩諸史傳中或言百金或言十斤金也無田無宮以為

歸無族親朋友以為依也樊汝霖云按世系表苗襲

曩生情憚惻惻情生合符憚生廷義又按登科記情長慶

二三年皆相睡登第然有可疑者世系表以憚惻惻為

蕃之孫誌謂蕃卒於元和二年遂有孫登第耶然則世

系表蕃之下所謂蕃者誤矣疑憚惻惻即蕃之子而

昌黎先生集 二十五 十三 中華書局聚

其後遂名惜憚恪也嗚呼蕃死時其困如此
其後子孫之盛則如此爲善者可無怠矣
天將以

是安施耶銘曰

有行以爲本有文以爲華恭以事其職而勤以嗣其
家位卑而無年吁其奈何

昌黎先生集卷第二十五

昌黎先生集卷第二十六

碑誌

唐朝散大夫贈司勳員外郎孔君墓誌銘或無

即字孔君名戡孔子三十六世孫時與公偕分司東都卒公為作此銘

昭義節度盧從史有賢佐曰孔君諱戡字君勝昭義軍路

州也在河東今為昭德軍貞元二十年入從史為不

法君陰爭不從則於會肆言以折之從史羞面頸發

赤頸一作顏抑首伏氣伏或作吐方云叔孫通傳所謂伏

伏抑首言伏地而抑首也此言不敢出一語以對立

為君更令改章辭者前後累數十坐則與從史說古

今君臣父子道順則受成福逆輒危辱誅死曰或曰上

且公當為彼不得為此從史常聳聽喘汗常或非是居

五六歲益驕有悖語君爭無改悔色或作意亦通則

悉引從事空一府往爭之從史雖羞退益甚君泣語

其徒曰吾所爲止於是不能以有加矣以有或以有以遂以

疾辭去臥東都之城東酒食伎樂之燕不與當是時

天下以爲賢論士之宜在天子左右者皆曰孔君孔

君云或無者字皆上閣本有唯字或會宰相李公鎮

楊州元和三年九月以宰相使首奏起君君猶臥不應

猶或作獨從史讀詔曰是故舍我而從人耶卽誣奏君前

在軍有某事上曰吾知之矣奏三上乃除君衛尉丞

分司東都詔始下門下給事中呂元膺封還詔書上

使謂呂君曰吾豈不知戡也行用之矣明年元和五

年正月將浴臨汝之湯泉壬子至其縣食遂卒年五

十七公卿大夫士相弔於朝處士相弔於家君卒之

九十六日詔縛從史送闕下數以違命流于日南元和

五年四月鎮州行營招討使吐突承瓘縛從史送京

師貶驩州司馬歐文忠書從史禱聰明山記曰閱從

史官屬題名見孔戡與烏重裔俱列于後而退之記

戡事云戡屢諫不聽卒為重裔所縛嗚呼禍福成敗

之理甚明先事而言則罕見從事至此遂詔贈君尚書

而言則不及自古敗亂未始不由此

司勳員外郎蓋用嘗欲以命君者信其志其年八月

甲申從葬河南河陰之廣武原南下有縣字廣武原或

作某地和郡國志河南府無河陰縣君於為義若嗜

欲勇不顧前後於利與祿則畏避退處如怯夫然始

舉進士第士下或有字自金吾衛錄事為大理評事佐昭

義軍下或有字軍帥死貞元二十年六月昭從史自其

軍諸將代為帥或無自請君曰從史起此軍行伍中

凡在幕府唯公無分寸私分或非是公苟留唯公之所

欲為君不得已君或居留一歲再奏自監察御史至殿

中侍御史從史初聽用其言得不敗後不聽信惡益

聞君棄去遂敗祖某某官贈某某官父某某官贈某某官

諸本作祖如主皇海州司戶贈工部員外郎父岑父

皇著作郎贈駕部員外郎方蜀本云今本所紀父

祖官職多誤蓋後人續增公諸志皆載二世此只言

父祖已非考世系表及孔幾志此以如珪作如圭郎

中作員外郎著作佐郎為郎又非也駕部乃職贈官

此以爲其父所贈又非也○今按此姑從方本無大

利害但方詆諸本止載二世為不入例而其據之

本此志亦只載二世云駕部乃職所贈官而職實贈

司勳皆非是世系幾志與此志文亦未知

其孰為得失恐皆未足以判其是非也

君始娶弘

農楊氏女卒又娶其舅宋州刺史京兆韋妃女皆有

婦道凡生一男四女皆幼前夫人從葬舅姑兆次卜

人曰今茲歲未可以祔從卜人言不祔君母兄幾尙

書兵部員外郎母弟戢殿中侍御史以文行稱朝廷

將葬以韋夫人之弟前進士楚材之狀授愈曰請爲

銘銘曰

允義孔君茲惟其藏更千萬年無敢壞傷方从杭本無傷字○

以今按此傷字諸本皆信文理音韻皆無可疑方氏特以杭本脫漏遂不之信寧使此銘為歇後語而不肯甚以諸本補之

故中散大夫河南尹杜君墓誌銘

或無散字君或作尹

杜君名兼史有傳公與兼皆佐張建封于徐州至是兼死河南尹而公

為都官員外郎為銘

杜氏自戴侯畿始分戴侯之子恕為幽州刺史今居

京兆諸杜其後也畿字伯樂戴侯有子恕理寬恕字

務伯弘農太守幽州刺史其季寬孝廉郎中寬後三世曼為河東

太守葬其父汨水之陽或無之陽字寬字務叔舉孝廉為郎中曾孫曼仕石趙為

從事中郎河東太守汨水出其後世皆從葬汨水或

及郡隆慮縣○汨胡端切曼玄孫州府交辟不就景子及正倫為太宗宰相宣明州府交辟不就景子

陽字慶延仕齊樂陵令四子正玄正藏正儀正倫高

裕字顯慶元年三月以正倫同中書門下三品三年十一月罷今云猶封襄陽公顯慶二年九月太宗始詔

葬京兆襄陽公無子以兄正藏子志靜後遂嗣襄陽

公或複出嗣襄陽公字生僑為懷州長史棄官老沁水上為富

家卒葬懷州武陟長史生損為左司郎中卒贈少大

理或作大卿大理生廩大理或為鄭州錄事參軍死思

明亂贈吏部郎中公諱兼字某郎中第三子廩三子

吾兵曹參軍冀太學博士少卿兼也舉進士第建中元年司徒北平王

燧戰河北掌書記累官至監察御史其後佐徐泗州

軍貞元四年十一月張建封為遂至濠州刺史本傳

刺濠州日誣劾度使表佐其府遂至濠州刺史載兼

兼對乃取其善不足以掩惡故略之耶抑誌與傳異

徐泗州軍亂以兵甲三千人防淮道不絕晁本如此

千人四字皆在下文金魚之下而魚下復有兵字殊

有功加御史中丞賜紫衣金魚入為刑部郎中以能

官拜蘇州刺史既辭行上書曰李錡且反必且奏族
臣上固愛其才書奏即除吏部郎中

或無中字

遂爲給事

中出爲商州刺史金商防禦使改河南少尹行大尹
事半歲拜大尹元和四年十一月二十二日無疾暴
薨年六十明年二月甲午從葬懷州夫人常山郡君

張氏彭州刺史贈禮部侍郎甄之女

音甄

生子男三

人柔立爲天長主簿詞立爲壽州參軍誼立爲順宗
挽郎女一人

順上或無爲字

將葬公之母兄太學博士冀與

公之夫人及子男女謀曰葬宜有銘凡與我弟游而
有文者誰乎遂來請銘銘曰

杜氏大家世有顯人承繼綿綿以及公身始爲進士
乃篤朋友及作大官

及作或乃作

克施克守纂辭奮筆渙

若不思公牒盈前笑語指麾祿以給求食以會同不

畜不收庫廡虛空事在于人在于不在一日遠日忘何以傳之刻此銘章

唐銀青光祿大夫守左散騎常侍致仕上柱

國襄陽郡王平陽路公神道碑銘夫下守字

仕下諸本無上柱國襄陽郡王七字平陽或作陽平从石本攷唐世系表當从

平陽碑銘或作碑文○今按此篇多从石本按石本其首云朝議郎守國子博

士上騎都尉韓愈撰銀青光祿大夫守吏部尚書上柱國榮陽縣開國侯鄭餘

慶書將仕郎右拾遺內供奉賜緋魚袋陳岵篆額其後云元和七年歲次壬辰

十月丙子朔十五日庚寅建云此可以補刊本之闕字有異同今附于下

惟路氏遠有代序自隋尚書兵部侍郎諱袞四代而

至冀公代或並作世石本袞或作充闔杭本世表作

封宜城縣公昇子元愬榆冀公諱嗣恭以小邑蕭關

令發聞令下或問字開元受賜更名賜或作錫嗣恭其初名劍客以世庵為鄴

尉席豫黜涉河朔表為蕭關令徙神烏姑臧二縣考績上上為天下最玄宗以為可嗣漢魯恭因賜今名

字懿 書于太史治行靈州治或恭始永泰元年閏十月

方節 終功南邦大曆七年正月以嗣恭為江西觀察使

嶺南節度使呂崇貴十月以嗣恭謙嶺南節度往征之十一月克廣州斬冕 享有不社紹

開厥家官至兵部尚書封冀國公以平嶺南功轉

贈尚書右僕射司空或無司 公諱應字從衆冀公之

嫡子嗣恭二子恕應 用大臣子謹飭擢至侍御史著作郎選

刺虔州選或作遷貞元初 割餘零都作縣安遠以利

人屬餘或作隸 同鑿敗灘石以平贛梗陶甓而城罷

人屢築詔嗣冀封又加尚書屯田郎中進服色遂臨

于温築堤岳城橫陽界中二邑得上田除水害上田

苗上拜尚書兵部郎中兼御史中丞淮南軍司馬改刺

廬州又甃其城人不歲苦人或作苦 入為尚書職方

郎中兼御史中丞佐鹽鐵使使江東有功用半歲歷

常州遷至宣歙池觀察使永貞元年十二月進封襄

陽郡王非或作公至則出倉米下其估半以廩餓人蜀

闢誅蜀闢或作劉字行軍千五百人於蜀李錡將

反以聞置鄉兵萬二千人錡反命將期以卒救湖常

坐牢江東心錡以無助敗縛作響山亭營軍于左右

權丞相善之鑿其說響山石響山宣州山名居宣五年以疾

去位校其倉得石者五十萬餘或無字府得錢千者八

十萬公之為州逢水旱喜賤出與人人或作民下同歲熟以

其得收常有贏利贏或作餘故在所人不病飢而官府畜

積元和六年天子憫公疾不可煩以職即其處拜左

散騎常侍以其祿居其歲九月望薨于東都正平里

第年六十七歲上或有享字明年葬京兆萬年少陵

原夫人滎陽鄭氏祔既其子臨漢縣男貫與其弟賞

貞謀曰宜有刻也既下或有而字告於叔父御史大夫鄜坊

丹延觀察使恕因其族弟進士羣以來請銘遂以其

事銘曰冀公之封維艱就功襄陽繼大啓慶自躬于

虔洎温厥緒既作以及職方遂都邦伯朝夕人事或人

民作下完上實師于其鄉鄰寇逼屈營軍響山牆屋脩

施脩諸本皆然方弁不錄而直作循字褒功刻表功或嘉丞相之辭受代

而家叙疏及邇病不能廷食祿卒齒凡代大家凡代一作

世維難其保既顯既願或作碩戒于終咎伊我襄陽克

慎以有延畀後承或作丞莫不率守有墓于原維樹在

經在或有以告無期博士是銘博士或作傳世○按公是時正為博士或非

是

烏氏廟碑銘

烏重胤之父也許孟容嘗為作神道碑

元和五年天子曰盧從史始立議用師于恒

元和五年三月

成德節度使王士真卒其子承宗自為留後上欲革

河北世襲之弊從史時為昭義節度使遭父喪因左

軍中尉吐突承璀說上請發本軍討承宗由是復起

從史委其成功十月詔削奪承宗官爵以承璀為招

面宣慰使命恒州四乃陰與寇連夸謾兇驕出不遜

藩鎮各進兵共討

言其執以來其四月中貴人承璀七罪即誘而縛之

其下皆甲以出操兵趨譁牙門都將烏公重胤當軍

門叱曰天子有命從有賞從下或有者字敢違者斬於是士

皆斂兵還營卒致從史京師壬辰詔用烏公為銀青

光祿大夫河陽軍節度使兼御史大夫封張掖郡開

國公重胤自昭義都知兵馬使路州左司馬拜銀青光祿大夫懷州刺史河陽三城懷州節度使兼

御史大夫

居三年河陽稱治詔贈其父工部尚書且曰其

以廟享其以或以其即以其年營廟于京師崇化里軍佐

竊議曰先公既位常伯謂工部尚書而先夫人無加命號

名差卑於配不宜語聞詔贈先夫人劉氏沛國太夫

人八年八月廟成三室同字祀自左領府君而下作

主于第三室同字史記渭陽五帝廟同字韋昭曰謂乙巳升于廟烏氏著於春秋譜於世本

公私廟制皆乙巳升于廟烏氏著於春秋譜於世本

世本十五卷錄黃帝以來帝列於姓苑在莒者存左

昭二侯泊卿大夫系氏名號列於姓苑在莒者存左

而好劍烏存率國人逐之在齊有餘枝鳴皆為大夫

齊下或有者字餘下或有字左氏襄二十四年齊

人城邾之歲其夏齊烏餘以廩丘奔晉昭二十一年

冬十月齊有餘枝鳴者為一大夫秦有獲為大官史記秦

云在齊有餘枝鳴者為一大夫秦有獲為大官史記秦

獲皆為大官其後世之江南者家鄱陽處北者家張

掖烏氏後魏烏洛侯之裔國邑在漢東二千餘里貞
觀初貢獻內屬代為功臣因官徙地今為張掖人
或入夷狄為君長唐初察為左武衛大將軍實張掖
人其子曰令望為左領軍衛大將軍孫曰蒙為中郎
將是生贈尚書諱承址字某贈下或有工部字址或
作洽新史承址有傳字

德潤重胤傳亦云承珙子也温公考異嘗加辨正宋
樊本皆作承珙蓋許孟容嘗為承珙碑石本猶傳於
世新傳蓋烏氏自莒齊秦大夫以來皆以材力顯及
本此也

武德已來始以武功為名將家開元中尚書管平盧

先鋒軍屬破奚契丹屬或作屢○今按屬亦連屬之

韋四黑水從戰捺祿走可突干諸本多作突干或作

五渤海突干契丹之勇將也新傳奚契丹入寇承珙

破於捺祿山又戰白城承珙按隊出其右斬首萬計

○可捺奴葛切渤海擾海上或無擾至馬都山吏民逃

徙失業樊汝霖云或謂破走可汗干渤海入寇而至

然止是藝出海濱至馬都山屠陷城邑公以本營士馬

防過要或害則是捺祿走可突干而馬都山拒武藝二

事不同司馬温公考異以新史據孟容神道碑及公廟

道灑原累石累或見孟容碑刻耳尚書領所部兵塞其
民還其居歲罷運錢三千萬餘黑水室韋以騎五千

來屬麾下

名黑水室韋二國

邊威益張其後與耿仁智

謀說史思明降

至德二載安慶緒兵敗走保鄴郡史思明判官耿仁智說思明歸唐思明

然之以所部十三郡及兵八萬來降十月

思明復叛尙

書與兄承恩謀殺之事發族夷尙書獨走免

許碑承恩承此

之從父兄也

李光弼以聞詔拜冠軍將軍守右威衛將軍

檢校殿中監封昌化郡王石嶺軍使

石嶺或作左嶺杭蜀粹與許碑

新傳皆作石嶺積粟厲兵出入耕戰以疾去職貞元十一年

二月丁巳薨于華陰告平里年若干

許碑年九十六即葬於

其地二子大夫爲長

大夫重裔

季曰重元爲某官銘曰

烏氏在唐有家於初左武左領

或作右領二祖紹居中郎

少卑屬于尙書不償其勞乃相大夫授我戎節制有

壇墟

其制有或作有數備禮登

方無數字登下有壇字

乃名位不同禮亦異數以立廟亦是此意若如方本即

上句已言授節不應至此始言登壇况登壇又與立廟不相關乎以有宗廟作廟天

都以致其孝右祖左孫蜀本文苑作左祖右孫○今按廟制以西為上方本為是

爰饗其報云誰無子其有無孫其有或作孰其克對無羞或

光乃惟有人念昔平盧為艱為瘁大夫承之危不棄

義四方其平士有迨息來覲來齋以饋黍稷

唐故河東節度觀察使滎陽鄭公神道碑文

河東節度使贈尚書右僕射鄭公葬在滎陽索上鄭今

州滎陽有索水即漢高帝與項羽戰於京索者也元和八年六月庚子太史

尚書比部郎中護軍韓愈刻其墓碑曰司馬氏遷江

南有鄭豁者仕慕容垂國為其太子少保豁字君明魏將作大

匠五世孫仕垂為太常少卿其孫簡當拓拔魏為滎陽太守豁子温燕

太子詹事生三子曄號北祖恬號中祖簡號南祖後簡者號其族為南祖南

祖之鄭入唐有為利之景谷令者曰嘉範簡生季嗣嗣

珍佛宋版均

四世孫

於公為曾祖是生撫俗為泗之徐城令徐城

生公之父曰洪卒官涼之戶曹參軍

涼之或涼州

公諱儋

少依母家隴西李氏舉止異凡兒其舅吏部侍郎季

卿謂其必能再立鄭氏

季或作李謂下或有曰字

稍

長能自課學

課或作謀○今按蜀志出師表自明左

氏春秋以進士選為太原參軍事

大曆四對直言策

年第

拜京兆高陵尉考府之進士能第上下以實不姦樊

僕射澤以襄陽兵戰淮西公以參謀留府能任後事

興元元年正月以樊澤為山南戶曹殯于涼涼地入

東道節度使澤奏儋為參軍

西戎自景谷徐城三世皆未還滎陽葬公解官舉五

喪為三墓葬索東徐城墓無表公能幼長哀感

有使字或無哀字云自少而長求心求不置以得舊

之不置也○今按心字當屬下句

人指告其處其後為大理丞太常博士遷起居郎尚

書司封吏部二郎中能官舉其名德宗晚節儲將於

其軍以公為河東軍司馬能以無心處嫌閒卒用有

就蘭或作問非是或無卒貞元十六年將說死即詔

授司馬節節度河東軍考嚴綬傳將說李說也或無

除其官為工部尚書太原尹兼御史大夫北都留守

貞元十六年十月河東節度使李說卒詹自本軍行

軍司馬除檢校工部尚書充太原尹北都留守河東

使節度公之為司馬用寬廉平正得吏士心及昇大帥

昇或作升帥或作師持是道不變部將有因貴人求要職者公

不用用老而有功無勢而遠者削四鄰之交賄省媵

嬉之大燕媵或作媵或作媵校講民事校講或作講校施罷不俟日用能

以十月成政氓征就寬氓或作氓或作賦軍給以饒十七年

疾廢朝夕八月庚戌薨享年六十一天子為之不能

臨朝者三日能或無字贈尚書右僕射即以其年十月辛

卯葬索上疾比薨醫問交道比葬弔贈賜使者相及

凡河東軍之士與太原之氓吏軍下或無之字或作民及

旁九郡百邑之鰥寡河東節度府管汾遼沁外夷狄

之統於府者聞公之薨皆哭曰吾其如何公與賓客

朋遊飲酒必極醉與或作爲投壺博奕窮日夜若樂而不

厭者蜀若或本從苦平居簾閣據几終日不知有人别自

號白雲翁令狐楚嘗爲太原從事唐志有表奏名人

魁士鮮不與善好樂後進及門接引皆有恩意與善屬上

句好樂屬下句蜀本以善爲其而連好始娶范陽盧

氏女生仁本仁約仁載皆有文行二季舉進士皆早

死仁本爲後子獨存不樂舉選年三十餘始佐河陽

軍後娶趙郡李氏生三女二夫人凡三男五女長女

嫁遼東李繁繁亦名臣子有才學遺命二夫人各別

為墓不合葬系曰

士常患勢卑嘗或作不能推功德及人常患貧患下有

字勢無以奉所欲得若鄭公勤一生以得其位而曾不

得須臾有焉雖然觀其所既立其可知已嗚呼哀哉

魏博節度觀察使沂國公先廟碑銘或有田氏字歐

陽公曰自天聖以來學者多讀韓文而患集本外訛惟予家本更校時人共傳

號為善本及後集錄古文得韓文之刻石如羅池黃陵廟碑之類以校予家集

本外謬猶多若田弘正碑尤甚蓋由諸本不同往往妄加弘正碑校印本

初未必誤多為校讎者妄改易之乃知文字之傳久而轉失其真者多矣則校

讎之際決於後題云朝議大謹也今各參注于下石刻後題云朝議大謹也今各參

証書并篆額京兆府廡有此碑

元和八年十一月壬子上命丞相元衡武元丞相吉

甫李吉甫丞相絳李絳召太史尚書比部郎中韓愈至政

事堂傳詔曰田弘正始有廟京師朕惟弘正先祖父

厥心靡不嚮帝室訖不得施乃以教付厥子維弘正

銜訓事嗣朝夕不怠○事嗣或作嗣事嗣下或有于字此篇今亦从方氏所據石本

以能迎天之休顯有不功維父子繼忠孝弘正父廷

為滄州刺史恒州李寶臣幽州朱滔聯兵攻擊欲兼其土守廷玠固守卒能保全朝廷嘉之遷洛州改相

州建中初田悅領魏博節度使志圖凶逆召廷玠為副蓋悅父承嗣與廷玠為從昆弟也及悅姦謀敗露

廷玠曰爾藉伯父遺業可守朝廷法度坐享富貴何苦與恒鄆同為叛臣若狂志不悛可先殺我乃謝病

不出三年予維寵嘉之是以命汝愈銘欽哉惟時臣

愈承命悸恐明日詣東上閣門拜疏辭謝不報退伏

念昔者魯僖公能遵其祖伯禽之烈周天子實命其

史臣克作為駟駟泮閼之詩音○駟使聲于其廟以假

魯靈音○假今天子嘉田侯服父訓不違用康靖我國

家服上或有能字靖或作靜蓋寵銘之所以休寧田氏之祖考而

臣適執筆隸太史或無隸字奉明命其可以辭謹案魏博

節度使銀青光祿大夫檢校工部尚書兼魏州大都

督府長史御史大夫沂國公田弘正州或作博或無兼字元和七年

十月以弘正為銀青光祿大夫檢校工部尚書魏州

大督府長史兼御史大夫上柱國沂國公充魏博等

州節度觀察處置北平盧龍人故為魏博諸將弘正始名

支度營田等使忠孝畏慎田季安卒季安高祖環平州

興季安時為使二子守義延憚延憚安東都護府司馬守義二子承

嗣廷琳承嗣子緒延憚子季安子懷諫廷琳子悅

七年八月季安卒其子幼弱用故事代父人吏不附

迎弘正於其家使領軍事季安卒懷諫自知軍務時

馬使懷諫幼弱軍政皆決於家懷諫自為都知兵

拒之不可弘正籍其軍之眾與六州之人還之朝廷
悉除河北故事比諸州故得用為帥已而復贈其父
故滄州刺史兵部尚書母夫人鄭氏梁國太夫人得

立廟祭三代曾祖都水使者府君祭初室祖安東司馬贈襄州刺史府君祭二室兵部府君祭東室其銘

曰

唐繼古帝海外受制此據石本外或作臣狎于太寧狎或洽

燕盜以驚羣黨相維河北失平號登元和大聖載營

風揮日舒咸順指令業業魏土嬰兒戲兵嬰兒謂懷諫吏

戎愁毒莫保罽頸領或作人曰田侯其德可倚叫譟奔

趨乘門請起田侯攝事奉我天明天或作王左傳范氏中行氏反易天

明注言不事君也又云二束縛弓戈考校度程提壘

籍戶提或堤來復邦經帝欽良臣曰維錫予嗟我六州

始復故初告慶于宗以降命書于宗或作宗廟旌節

有韜豹尾神旗囊兜戟纛纛或作囊蜀本作囊石本

弓服囊乃囊之無底者以長魏師田侯稽首臣愚不

非兵仗也當从石本

肖迨茲有成祖考之教帝曰俞哉維汝忠孝予思乃

父追秩夏卿媿德娠賢梁國是榮媿配也言梁國配兵部之德娠孕也

也左氏后緡方娠娠賢謂生田弘正也媿匹諧切娠之刃切又音身田侯作廟相方視

阯見于著龜祖考咸喜暨暨田侯暨暨果毅也禮戎容暨暨○暨音忌

兩有文武訖其外庸可作承輔承或丞咨汝田侯勿亟

勿遲覲饗式時爾祖爾思饗或作嚮爾祖爾思或作祖考之思或作爾祖之思

昌黎先生集卷第二十六